

列
朝
詩
集

列朝詩集

丁集第十一

嚴少師嵩 一十七首

徐少師階 八首

趙官保貞吉 三十五首

戚少保繼光 一十四首

陳將軍第 四十九首

申少師時行 一十一首

楊官保魏 八首

馮尚書琦 三十八首

葉少師向高 三首

李尚書三才 五首

少師孫文正公承宗 二十首

侍郎徐公良彥 四首

暨丁侍郎啓濬 一首

夏少師言 六首

袁少傅燁 二首

張太師居正 二首

俞都督大猷 一首

萬都督表 四首

陸官保樹聲 二首

于閣學慎行 九十四首

沈少師一貫 四十首

暨林尚書堯俞 一首

呂侍郎坤 二首

趙尚書南星 二十三首

董侍郎應舉 八首

范閣學景文 五首

嚴少師嵩

嵩字惟中分宜人弘治乙丑進士選翰林庶吉士授編修歷官兩都闕數
階拜禮部尚書故事宰相得燕見天子少師爲宗伯勤敏捷給當上意數
入召見與幸相比壬寅九月召入直武英殿得君專政凡二十餘年久之
其貪橫日甚上心厭之移其眷於華亭言者得間攻之上震怒削籍
遣歸俸其子世蕃于西市籍沒其家年七十餘窮老寄食以死萬曆初江
陵枋國下教屬分宜令葬焉少師初入詞垣負才名謁告還里居鈴山之
東堂讀書屏居者七年而又能傾心折節要結朕流若崔子鍾楊用修王
允寧輩相與引合名譽天下以公望歸之已而憑藉王眷驕子用事誅夷
忠良賸敗綱紀遂爲近代權奸之首至今兒童婦人皆能指其姓名載手
唾罵萬眉山以後所僅見也少師在鈴山有詩贈日者云原無蔡澤輕肥
念不向唐生更問年爲通人所稱其詩名鈴山集者清麗婉弱不乏風人
之致直廬應制之作篇章庸猥都無可稱王元美爲郎時譏評其詩以爲
不能復唱渭城者也余錄其詩冠於嘉靖中年以來將相之首便讀者論
其世知其人庶幾有考焉亦有戒焉云爾世傳少師當國時江西士紳以

生辰致賀少師長身聳立諸公俯躬趨謁高新鄭旁睨而笑少師問其故
新鄭曰偶思韓昌黎鬪鷄詩大鷄昂然來小鷄竦而待是以失笑耳京師
市語謂江西人爲鷄相與閩堂而散先輩風流雅議政府詞林形跡無間
此亦近世館閣中熟語也

山塘

山塘深且廣邈迤抱山麓隔浦見人家依依桑柘綠日落烟水寒遠塘飛
屬玉

仰山

石磴盤秋蘿危亭出峰樹行人上山道望望雲飛處洞口曉鍾聲林僧獨
歸去

東堂新成二首

種樹成陰闢沼漁數椽聊此卜幽居諸峰稍識嵐霏外三徑新鋤灌莽餘
窮巷頗迎高士轍藜牀時讀古人書欲因蘿薜辭簪弁慙慙承恩在五除
無端世路遶羊腸偶以踈慵得自葺種竹旋添馴鶴逕買山聊起讀書堂
開牕古木蕭蕭積隱几寒花寂寂香莫笑野人生計少濯纓隨處有滄浪

奉命視牲

觀闕層城峻郊宮複道開市烟當樹合炬火逐塵來牲牷人報騶登時
士催夜歸題笏記候曉奏蓬萊

賜衣

宮衣錦段新宜賜編臣鄰繡紋盤虎豹金彩織麒麟詔向龍沙遠頒從玉
陛均拜登齊闕謝愧省獨增循士節論辭受君恩愛笑嘲禮看超等級勞
豈効涓塵荷德乾坤大糜財府庫貧先朝題歲月諸道貢奇珍貂座儀章
濫鞶梁諷諭陳縉紳皆用武整輅尚留巡暗憶垂裳治虛慚挾纊仁日占
青海使寒望翠華春未厭干戈役私嗟章甫身

揚州

親憶瓊花色橋樁萬柳陰蕪城舟夜月懷古一悲吟勝蹟那堪問長江獨
至今波開飾龍艦早晚翠華臨

暮次靈川懷寄師舜天益二鄉丈

天南歲晚更依依朔雪寒雲遶樹飛投館驚看風土異臨觴悵憶故人違
情同灘水仍西注身似春鴻向北歸想見郵亭擧駐馬獨吟千嶂已斜暉

全州歲夜

殊俗聊相值空堂誰與同燈明深雪裏歲盡漏聲中野暗孤城拆庭高古
樹風頻年遠為客此夕意何窮

蕭子卜居梅林賦贈

溪上梅花玉作林溪邊茅屋苦寒侵孤山倚棹逢詩興潁水移家見客心
日暖漁歌來浦淑雪晴花色上衣襟風塵擁傳勞為郡時向滄洲寄一吟

寄壽少傅還翁先生

累朝望重經綸地五畝怡情水竹間天下正須安石起維中猶放涑翁閒
詩尋丁卯橋邊宅舟放金焦寺裏山羣馬燁如尊俎勝隱園高會渺難攀

凡用修贈張生詩和以寄之

文酒高懷強自寬風烟異域若為歡哀歌漫引馮驩飲感遇空彈貢禹冠
梁月漸低回遠夢塞鴻初至得新翰春愁只恐銷容髮莫向天涯重倚欄

蚤入承天門見鴉次韻

喧鴉爭入帝城飛暎霧朝林颺暉官女乍聞驚夢起省郎紛逐散朝
聲傳萬井含鐘杳影落千門帶月稀還向昭陽自來去綠窗凝望重依依

無逸殿直舍和少師夏公韻

燈燭通宵晃禁庭
霧窗雲閣近宸居
香浮苑爽影窺簾
月到除緜橫乍開丹
鳳吹發城先訪赤
松書歸來未向人
間說天語親承燕
對餘

贈盧麻卿司業

南舟遙問秣陵程
北客初諧作宦情
海近雲霞連北固
官深鐘漏隱西清
才名早已儲三館
形勝真堪賦兩京
自昔成均師道重
諸生今喜得陽城

賜太液乘舟

蘭舟演漾水雲空
花葉田田島嶼風
棹入瓊波最深處
玉樓金殿影西東

恭扈聖駕幸承天發京作

禁城鐘動啟金扉
鳳輦時巡出帝畿
黃紙特頒都護勅
緋羅齊賜侍臣衣
祥雲捧日浮仙仗
芳樹和烟隱翠微
遙想湘江歡父老
漢皇今覩沛中歸

夏少師言

言字公謹黃溪人正德丁丑進士授行人歷吏部都給事中騰世廟特簡改翰林侍讀入直內閣官至少師吏部尚書華蓋殿大學士嘉靖三十七年論斬西市隆慶初復官賜謚文愍少師賦才敏捷奏對應制倚待立辦

以此爲人主所知喜爲長短句在南宮與屬吏虞山楊儀夢羽唱和今所傳元相桂翁詞及鷗園新曲皆夢羽序而行之少師得君專政聲勢烜赫詩餘小令艸藝未削已流布都下互相傳唱歿後未百年猶然無間花間柳堂之集無有及貴溪氏名者求如前代所謂曲子相公亦不可得可一慨也夢羽記一事云少師嘗祈夢九鯉仙得問舟子三字及罷相再起泊舟淮上與夢羽賦詩贈別取孟浩然詩探韻粘得問舟子詩云向夕問舟子前程沒幾多灘頭正好泊淮裏足風波悵然不樂罷酒而別此事亦可入前定錄也

雪夜召詣高玄殿

迎和門外據雕鞍玉螭橋頭度石欄琪樹瓊林春色靜瑤臺銀闕夜光寒爐香縹緲高玄殿宮燭熒煌太乙壇白首豈期天上景朱衣仍得雪中看

苑中寓直記事四首

水風清透菱荷香會景庭中捧御牀朱箔黃簾垂四面銀燈寶炬列千行湧玉亭前夜放舟碧荷香靜雨初收遙看北岸紅烟裏水殿珠簾盡上鈞黃金盤子養龍涎波面風來香滿船銀燭光搖簾影細水晶宮裏夜朝天

新賜文舟汎碧湖扣舷容與得奇觀菱蒿簇簇團花錦荷蓋亭亭翠玉盤

侍上奉聖母觀九龍池

駐蹕靈湫上依岩帳殿開兩從龍洞作雲擁鳳與來玉寶春鳴溜金潭晝

殷雷翠華清樹下天語賜徘徊

徐少師階

階字子升華亭人嘉靖癸未進士廷試第三人為史官抗疏論孔子廟制斥為延平推官稍遷浙江江西提學副使召拜司經局洗馬歷升禮部尚書撰述稱旨入直無逸殿殿廡尋入東閣辦事累官少師建極殿大學士隆慶二年請老年八十一而卒謚文貞少師負物望膺主眷當分宜驕汰之日以精敏自持陽柔附分宜而陰傾之分宜敗後盡反其批政卒為名相事在國史不具錄嘉靖中閣臣如華亭新鄭之流皆以文翰起家而志在經世不求工于聲律若初年張桂諸公以議禮登庸者本非詞臣又勿論也

夜行安山道中

木落境蕭蕭殘燈照寂寥寒病驚時日暮愁厭客途遙急澗聽逾響荒村語

不露月明如有意深夜伴啼梳

瓜洲風雨不克渡江

未遂歸來願空驚歲月奔布帆三日雨茅屋數家村山氣遙連海江聲近
在門無緣得飛渡東望欲消魂

廣信阻雨有懷子明弟

山國夏多雨冥冥氣不分石田寒貯水松徑濕蒸雲灑密愁仍見聲微醒
故閒西堂何處所知共惜離群

夏日游通惠河

頗憶三江遠乘流意若何水深秋氣入竹密雨聲多熟果當尊落鶯禽拂
棹過柳陰催繫纜欹枕聽漁歌

次張龍湖吏侍院中觀蓮

曲徑方池列館東荷開殊勝昔年紅虛曠玉井青真上似觀金蓮紫禁中
佳實豫知深雨露苦心原自耐霜風亭獨立烟波冷肯羨春華在漢宮

兩崖中丞和予觀蓮詩有欲借芡之句次韻贈答

積雨紅芳落漸多玉堂清曉獨來過日華幸尚臨朱檻雲氣愁仍繞絳河

寂莫芝蘭同晚歲浮沉萍藻自秋波聞君近有紉裳興刀尺寒生欲奈何

三月十二日文華殿朝賀東宮紀事冊立之次日也

春霄霧散日華明是日將以巳時出受賀版橋西來鞞路平

折兩簾捲朱絲日表東官客室高正色空如玉扇分翠羽見龍行

至門入致重安詳見者感休千官統仗容常泰時人感勝了無怖色三字

開編誦已成了三字經了我連荷府音垂勞問初華曆等云先生每同者

再又論六卿云老臣懼戴豈勝情

袁少傅焯

焯字懋中慈溪人嘉靖戊戌會元廷試第三人歷編修侍講用資序推南

掌院上疏願留當上意擢侍講學士禮部右侍郎六年之中進宮保禮部

尚書越五日召入直前此未有也分宜敗命同華亭擬票新造建極殿勅

加少傅兼太子太傅建極殿大學士乙丑三月病亟于告抵安山驛而卒

贈少師謚文榮少傅少請書一過輒成誦登第二十年撰文膺寵驟致台

鼎意氣籠翠華亭直出其上朝士爭趨其門會久病失上歡請急道死華

亭修前部予中謚盡削其所撰著朝士無敢仇懋谿客矣少傅貴倨鮮與

亭修前部予中謚盡削其所撰著朝士無敢仇懋谿客矣少傅貴倨鮮與

自負知文館閣士出其門者詞文不當意矢口毀罵其門人皆心銜之而
獨折節于王稱登遇以國士人謂少傅風流近李長沙其才命皆弗如也

冬夜院中齋宿

玉堂清接禁城陰庭對蕭蕭夜氣森院靜風迴霜拆近簷虛星映雪堦深
窗含殘燭搖空影鳥警寒枝禰衆音咫尺天南雲縹緲瑤壇應候翠華臨

冬日過朝天宮

蕭瑟嚴宮萬木稀下方爐定來烟微風將雲磬隨行佩松漏冰花著羽衣
北市無喧知地迥西山漸染覺春歸老年數欲尋玄理不但朝儀叩此扉

趙官保貞吉

貞吉字孟靜內江人嘉靖乙未進士選庶吉士授編修遷春坊中允管司
業庚戌秋虜陷都城嫚書要貢集百官會議日中其敢發一言公獨奮袖
大言曰城下之盟春秋所耻且既許貢虜必入城入城而要索不已卽內
外夾攻胡以禦之爲今日計請上出御正殿下詔罪已錄周尚文之功以
厲邊帥釋沈鍊之獄以開言路勅文武有司嚴飭城守遣官宣諭諸將監
督力戰虜可一鼓而退也上偵知其言手詔嘉獎升春坊諭德兼監察御

史領勅宜論分宜惡之初書不及督戰字樣以輕其權兵部不與一護卒
單騎出入萬虜中宜論畢復命上怒謂斬命督兵一無所措置第爲尚文
鍊游說下獄拜杖落取降廣西荔波典史久之置移徽州府判由南吏部
主事六遷至戶部侍郎又用分宜黨論劾罷官隆慶初起吏部侍郎掌詹
事府婁遷禮部尚書入直文淵閣公感上知遇親時政刊敵兵衛單弱思
改絃易轍大有建並多與新鄭相左新鄭出掌吏部公亦掌都察院有旨
考察科道諍論不相下抗章相攻不能勝引疾乞歸歸五年而卒年六十
有九贈少保謚文肅公剛忠英偉稱其氣貌議論慷慨有孔文舉蘇子瞻
之風身任天下之重百折不回以宰輔忤時去國入五臺山參禪跌坐與
老禪和扣擊宗旨久之而後去著經世通出世通二書未就而卒公與其
弟孝廉蒙吉初生時太夫人皆夢緇衣比丘來借居生五六歲坐沙地偶
語皆論出世事家人咸莫能曉東越周汝登有詩贊公画像曰百官頭上
論兵事美不緇衣小比丘蓋記其事也公爲詩駿發突兀自放一洗臺閣
婢媵鋪陳之習其文章尤爲雄快殆千古豪傑之士讀之猶想見其眉宇

云

寶鷄縣張仙洞中長歌行次壁間謝高泉韻

去國何遲遲青山一丈攜春風已三月逐虎桃花蹊既聞糞金牛又傳化
寶鷄仰首笑碧落拂袖凌丹梯左虬右文豹穩駕無人擠如何牧馬濱尚
有問津迷勞因豚往質詭從禽遇奚惜哉昆吾鋒徒有新溝泥所以衡門
士折矢釋孤麋上岡抱黃犢樞戶衣駸犁中心藏皓潔面上蒙黝黧家有
黃口兒倚戶饑苦啼掉頭去不願吾道無憂棲邈哉大雅初高征供蒸黎
淳風逝不處去水無迴低因思駐吾顏刀圭丸粉提身輕騎入駿聯三十
二蹄仙人五城樓玄圃岌而踏玉匣簡隱訣金書擷幽題誓斷區中緣豈
云藏會稽九州黑子耳千載誰能從忽然俯宗國脊踞心予淒我有岷媚
家結茅聊可棲且當彌遠駕樂志西山西

和劉怡溪觀漲韻酬鄧子高龔進甫三首

結髮與君游去作墨卿子官況貧更貧天機指非指有時與一慟化作長
歌矣羊裘舴舻舟聽者如環蟻今成兩雪翁坐看秋潦水
潮急汝亦及習見惟舟子朝津白馬封暮峽青牛指來訝急湍者復喜迴
瀾矣山僮歡若蜂市女散如蟻獨有舟居仙著論各觀水

河上有丈人習水如抱子視身如虛空觀物比駢指持念入平等會物爲
已矣丈人視吾僕奚啻小螻蟻能嗤垤中海來晒矜秋水

澠池會盟臺

天弧夜射青麟死天下諸侯慶牛耳完璧城邊走趙人擊缶臺畔聞秦聲
池中夜浸一片月年年艸綠春風發猛將韃腰取豹韜牧童扣角來狐窟

魏公艸堂

有才不到青雲前無心常傍白雲邊白雲青雲若流水魏公艸堂今在此
嵐空烟斷鳥飛遲雪裏溪寒客路迷庭前忽見幽香艸揚袂臨風折一枝

春日游華山

望華山迢迢千仞不可攀青蓮削玉浮雲外白雪堆壘翠霞間翠靄浮雲
度飛鳥黃塵青鏡春風曉銀甲彈箏芳艸傍金槽壓酒垂楊道垂楊近拂
枝芳艸遠生滋夢登天姥爲金粟醒入西山採玉芝玉芝玉女洗頭邊金
粟金仙印掌前人從槎上新浮去舟載瀛東竟未旋雲臺裏綠蘿裏中
有一人談不死花外紅泉度晉人松間華髮爲秦語晉人秦語幾恬喧萬
壑千崖老睡魂龍爭虎鬪無窮恨狗盜鷄鳴不足言雲端廢時如流水塵

起巖崩一千里，欄檻臺上蝴蝶飛。靡蕪澗底鴛鴦起，乍聞歌動維朝飛。同游數子立斜暉，待予暫解邯鄲急。黃鶴騎來住翠微。

臨洮院後半壁古城歌

君不見秦城萬里如游龍，首接洮河尾遼海。三堵龍頭勢隱憐，至今不共山河改。何時山外起新墀，圍繞古城當戶楣。相逢若識桃源叟，應憶當時征戍兒。

臨洮院後較射亭放歌行

東風吹泉作酒香，洮水射河河水黃。落日正掛崑崙傍，手彎勁羽欺垂楊。借君廐上三飛驎，慈海蹴踏葡萄漿。黃鵠高高摩青蒼，彈來一曲堪斷腸。有女肯嫁烏孫王。

沔縣武侯祠

定軍山前逢故老，百年誰識荒山道。青騶結蓋重問津，一束吊古一傷神。時乖不動蛟龍氣，野曠空令烏鵲馴。白馬綸巾墮清漢，星光夜入銀河爛。玉立烏橋一羽毛，緝觀塵世如秋毫。向時聚沙聊戲劇，今古悠悠俱辟易。玄菟長護戰旗翻，山鬼深藏馬行躑。襄陽耆舊盡凋殘，蔡水東流不忍觀。

椒漿若下雲中奠，應記從軍舊鄉縣。
焚雨羗雲滿，角風三聲猿落鬱林東。
蒼涼薄暮無所見，遙想當時龐德公。

雲中太守歌 為雲中太守題

雲中太守何翩翩，歸來但掃落花眠。
落花墮臨孟津口，白岍蒼波稱釣叟。
門前車馬又紛紛，此翁惟視南天雲。
雲裏高臺已如掃，風前冶苑徒空聞。
空聞金埒隨山溜，復道豐阡成野埃。
已令儂鶴調中悲，不放斯焚艸頭走。
洛中勝事先自知，塞上風烟那復爲。
冷泉沈竹離披長，聽與檀耶寫楚辭。

江上三峰歌

白龍天矯鮫鮪薄，蒼吟夜掣東溟若。
海上仙人醉露桃，夢翻三點嵐光落。
珊瑚支拄魚眼紅，波替挽淋漓風。
取縹島藏翠寒滴，鶴翎澹影青圓中。
嵌空倒鏡扶桑戶，錦冠嘶春香玉荏。
石上曾孫開竹書，菱花飄入晴空雨。
曾孫釣海深濡蹀，歎世酸脾葉黃蕪。
書中伯玉術不朽，回首綸竿繫左肘。

南津公館

南津嘔啞聞秋語，濕穽黃蕉掩幽處。
開門夜開稻花香，瀾河曉洗流雲杆。
葳蕤舍風滿，簾花出門葭莢田。
麻麻嬌程葉舞，一蝶墮似惜清翹。
浣花餓

夜住郭宅分韻得寂字

土龍填湖小波寂星收闌聲光歷歷白身睡驚拓寒滴葛輕公子巧中的
蕙紫洗襟盈浙瀝青苧畦中坐東督城上割風學吹笛

華陰祠居東縣令

新作王門使來依茂宰居烟花松社展風雨竹林書寂寂春將暮綿綿思
有餘愁深仍向夕戶影岳遵虛

過孟津次先已酉韵

回御指滄浪吾家沱水傍必芻香座穩平仲野陰涼卜世傳關助交隣託
仲光續經猶畏老無力賦長楊

贈真定劉中丞

中丞開府握兵權威輔聲名霄漢懸
左車去塞陘中井西豹來畊鄴下田
玳瑁筵開春騎出幕中留容待三千

白雲觀

一丘堪枕白雲邊古塔高懸紫栢前
花神幾度供鋪錦榆影更番佐數錢
誰道暫經瀟灑地絕勝長駐艷陽天

王喬洞

柯爛人歸古木寒
紺崖靈壑野雲團
騎來黃鶴丹砂頂
飛去青天白玉棺
流水調中春欲半
洞簫聲裡夜將闌
思輕塵骨超千劫
願遇金童捧一丸

宿關山

隴雲低合水分流
羌笛高吹月滿樓
乍客關山生遠夢
自憐旌節到邊州
雪消長坂黃昏度
水浸幽汀綠艸抽
聞說此方泉作酒
寧將駐馬勒筵篋

桃川懷古次韻

周時人掩漢時關
秦代衣冠晉代山
亡社鳥來歌滑滑
賊場雲度伴閒閒
空傳緱嶺吹簫去
不識遼東蕪帽還
五百年逢一漁父
三三今傍綠溪灣

枝江紫山懷古

赤甲青江天半垂
紫山黃葉正離披
高鴻已託長風翼
下濶誰聽短笛吹
地接山迴秦避路
雲頽天迥漢留祠
周郎陸弟名空在
細雨荒苔儼能時

黃琪驛次壁間余方池韻

太白峰迴指大峨
遙看錦水帶金波
宜男艸綠沉犀浦
織女星寒抱珥河
老去玄經知尚少
婦來易卜買應多
春風舊著荷衣在
但乞山間薜荔阿

和嚴介谿贈西還詩

別公猶是見公時，回望華陽黑水垂。
萬里一身愁作客，十年兩逐愧臨岐。
孤臣去國名難潔，棄婦思家步易遲。
珍重台衡尚憐惜，直虛中夜起吟詩。

柘湖何子卜築金陵園居次韻

買得新廬住舊京，灌園時汲後溪清。
簾鈎謝老懷山意，藥藉王郎誓墓情。
泯泯槐陰分陣蟻，惺惺花外數聲鶯。
春風又度芊綿處，誰伴巾車出石城。

酬馬宜泉幽居之作

雨洗池荷淨有餘，聞君池上艸爲廬。
避喧人浣桃花水，閉道僧留貝葉書。
雲裊鶴巢松蓋濕，機忘魚筍槿籬疎。
門生幾度慚秋水，猶自淵冲退若虛。

送張少渠給舍赴萊守任

一麾何事海東行，萬里三山屨氣橫。
宦處有仙應肯度，水中成市不須驚。
向來憂國青衫淚，此去全身皂帽情。
安得同心常不別，斜陽空倚石頭城。

送侍御張龍坪領東浙兵憲

手握兵符下魯中，指揮諸將尚乘驄。
密收海上酬恩士，漸散山南挾彈雄。
春日勸耕滕壤外，秋風較獵許田東。
儒家自有匡時略，何必橋邊拜石公。

邵窩

萬疊青山百道泉一簑烟雨老先天如何尚有英雄氣暗著皇天帝伯篇
夜宿蘇長公洗墨池亭戲作

江空艸綠酒旗風半醉黃州烟雨中五百年前曾洗墨依稀猶記雪堂東
初至伏牛山

終南捷徑不須猜少日追名老大迴辦得七松行道處歸遲猶厭未歸來
訪蘇門

帝遣巫陽與舊魂又騎羸馬訪蘇門雖逢高士不相顧猶勝浮湘哀屈原
釣漁臺

醉骨烟雲艇慢開半竿風雨上漁臺無人知是寒山子明月玉簫呼未回
春望

杖藜到處立蒼茫兩脚青山老法幢飛去白雲何處住一簑烟雨下吳江
張太師居正

居正字時大江陵人嘉靖丁未進士改翰林庶吉士由編修歷官坊掌院
隆慶初以禮部侍郎召入內閣穆廟崩受遺枋政光輔幼君尊主權強國

勢有古重臣之風官至太師左柱國吏部尚書中樞殿大學士萬曆壬午卒于位謚文忠追諭削籍崇禎中有詔追復公志在經國文求通達奏封之稿鑿鑿乎如五穀之療饑藥石之治病不為枝葉靡曼之詞聲律之道非其所先故不多錄焉

恭題文皇四駿圖四首 年二首

龍駒 蘇杜壩大畧 肘堂著一箭都指揮丑丑拔箭

天馬來翼飛龍蹄削玉耳垂倚碧月懸雙頰明星貫兩瞳文皇將士盡熊
虎復有龍駒助神武流矢當胸戰不休汗溝血點桃花雨壩上推鋒第一
功策勳何必滅元戎君不見虎士標形麟閣裏龍駒亦入畫圖中

棗駟

小河大畧 肘堂一箭後兩曲池一箭安順 後脫火亦拔箭

紫駟馬金絡月朝刷燕脯秣越俶儻精權奇超驥走滅沒當年萬馬盡騰
空就中紫駟尤最雄戰罷不知身著箭飛來祇覺足生風北風獵獵吹原
野長河水漸血流赭誰言百萬倒戈中猶有彎弧射鈞者

戚少保繼光

繼光字元敬登州人 世襲登州衛千戶 以參將備倭浙東練處紹義易兵

制芻芻陳大破倭于台州以副總兵鎮福建大破倭于平海衛復興化慶
同安殲漳浦閩寇悉平以都督同知召理戎政出爲薊鎮總兵築牆堡立
車營增募南兵東西虜不敢入犯江陵當國遣右司馬行邊大閱薊門上
功狀進左都督加秩少保江陵殺人言波及移鎮南粵踰二年得請還登
州卒于家萬曆末賜諡武毅少保少折節爲儒通曉經術軍中篝燈讀書
每至夜分戎事少間登山臨海緩帶賦詩罷鎮歸過吳門角巾布袍借二
三文士攜手徒步人莫知爲故將軍也王夫人悍而無子養子於別室長
子彊夫人括其所畜輦而歸諸王氏少保病至不能庀醫藥頰頰而卒續
髮從戎間關百戰綏靖閩浙功在東南掌京管日建議更制練兵長驅出
塞躡文皇三犂之績收百世捷伐之利出鎮之後當事者掣其肘不得行
在薊修築之功甫就中道齟齬卒以罪廢生平方略欲自見於西北者十
未展其一二故其詩多感激用壯抑塞憤張之詞君子讀而悲其志焉少
保詩文有止止堂集其在浙則有紀効新書在薊則有練兵實紀兵家奉
爲金科玉條可以垂之百世者也連江陳第者少保之部將也少保既沒
拒腕疆事作塞外燒荒行其序曰薊自嘉靖庚戌虜大舉入犯至隆慶丁

卯一十八年歲苦燥斷總兵凡十五易自隆慶戊辰南塘戚公實來前時
總督者二華譚公也至萬曆壬午一十五年胡應不從民享生全極矣乃
論戚者謂不宜于北竟徙嶺南嗟夫宜與不宜豈難辨哉作燒荒行以寄
於悒詩多不具哉嗚呼江陵枋國譚戚在邊邊防修舉北虜帖服此何特
也江陵歿譚戚敗邊防墮廢日甚一日而國勢亦從之魚爛瓦解馴致今
日繼江陵而為政者豈能不任其責乎第詩有云譚今已死戚復南邊境
危疑虛叵測論者不引今昔觀紛紛搜摘臣滋惑第徒愾歎于搜摘之多
口而求及循本于政地殆亦知之而不敢言也嗚呼慘矣

盤山絕頂

霜角一聲艸木哀雲頭對起石門開朔風虜酒不成醉落葉歸鴉無數來
但使玄戈銷殺氣未妨白髮老邊才勒名峰上吾誰與故李將軍舞劍臺
三屯新城工成志喜

受降新築壯三屯燈火遙連十萬村陔燧層梯秦作寒風雲大陸勦為門
東迴地軸山河固西擁天關宮闕等百二城邊遺質于千秋同戴漢家恩

客館

酒散寒江月空齋夜宿時風如萬里關人似一鷄棲生事甘吾拙流年任
物移邊愁頻入眼俯仰愧心期

出塞二首

夏四月車騎出險行二十里外水紫山抱魚沫易鳴何

唐江南憶昔有作

愁惹千里綠陰肥澗水縈紆一徑微魚爲驚鉤聞鼓動鳥因避幟傍人飛
江南塞北何相似并郡桑乾總未歸惆悵十年成底事獨將羸馬立斜暉
石壁凌虛萬木齊依稀疑是武陵溪長城舊飲紛胡騎大漠初驚過漢驛
國士死來今已盡邊機愁絕劍空攜天山閑說尤佳勝欲乞君恩試馬蹄

伏龍寺

梵宇蕭條隱翠微丹楓白石靜雙扉曾於山下揮長戟重向尊前醉落暉
衰艸尚迷游鹿徑秋雲空鎖伏龍磯遙看滄海舒孤嘯百尺仙橋一振衣

登石門驛新城眺望

萬壑千山到此寬邊城極目望長安平生自許捐軀易遙制從來報國難
尚有二毛驚歲變偶聞百舌送春寒廟堂只恐開邊塞疏艸空教午夜看

塞外觀音巖

朔庭喜見戰塵收石洞思從大士游不道受降唐節度何如奉使漢通侯
天垂臺觀三千里雪染顛毛四十秋短劍蕭森心尚赤班超獨倚玉門愁

賢兵過湖州渡

汗血炎方七見春又趁殘月渡江津行藏真遣沙鷗識一片浮雲是此身

望閩臺

十載驅馳海色寒孤臣于此望宸鑿勢窮盡是心頭血洒向千峰木葉丹

馬上作

南北驅馳報主情江花邊月笑平生一年三百六十日多是橫戈馬上行

行邊

花事蹉跎候雁催江南三月送春回前門桃李應何限歲歲不知春去來

宿石門驛聞馬嘶

伏軾長嘶動石門時艱滿目幾消魂非干與北空群久羈勒年來苦漸繁

辛未除夕

四指週杓猶障塞顛毛如許怯簪冠驚心歲月愁仍在回首風塵夢已關
百戰勞銷千口集萬金散盡幾人歡燕然北望空彈劍馬革諒常片石難

俞都督大猷

大猷字志輔晉江人其先履陽人世爲泉州百戶家酷貧日不再食誦讀不輟父卒製官學騎射輒命中從李良欽學劍畫其術嘉靖中舉武進士以都司破安南叛人于欽廉以副總兵破倭于平望落職再起勦倭于舟山爭王直誘降事忤胡總制下獄戍邊再起加副總兵控制江湖閩廣四道兵賊倭于興化移鎮湖廣破雲溪賊巢三郡六縣妖逆次第剗平以都督同知佩征蠻將軍印征古田進右都督改鎮福建不候代免官召爲後軍都督府會書復爲都督同知老疾乞歸卒于家贈左都督謚武襄公毀家游長安以策干樞筦上破虜安邊長久之計當事者迂之不得用以爲南將不宜在北移鎮東南大小百十餘戰掃除積寇功在社稷一下獄再落職艱難坎塹僅而得死關下一時大將武襄武毅並建旗鼓皆爲文法吏所阨不獲行其志亦皆窮困以死絆騏驎之足而責以千里此平世之通患也公之學深于易而精于兵有正氣堂集其論兵多參用儒家言聞人李杜序其書以爲其學莫非兵而其論兵莫非易杜亦奇士知兵者也

短歌行贈武河湯將軍鎮狼山

蛟川見君蚤然喜虎鬚猿臂一男子三尺雕弓丈八矛目底倭奴若虬螭
一笑遂爲莫逆交割心相示寄生死君戰蛟川北我戰東海東君騎五龍
馬我控連錢聰時時戈艇載左馘歲歲獻俘滿千百功高身危古則然說
口真能變白黑補衣關木爲君免君自從容如宿昔顧我無幾亦對簿獄
中悲喜見顏色君相聖明日月懸說者亦顧傍人言貸勳使過盛世事感
孤侯舊上戎軒君今擢鎮狼山曲雲龍何處更相逐春風離樽不可攜短
歌遙贈亦自易與君墮地豈偶然許大乾坤着兩足一度男兒無兩身擔
荷綱常憂覆餗皓首期君共努力秋棋勝着在殘局燕然山上石岩岩堪
嗟近代無人斷與君相期瀚海間回看北斗在南開功成佛袖謝明主不
然帶礪侯王亦等閑

陳將軍第

第字季立連江人爲學官弟子教授清漳生徒雲集命都督大猷召致蘇
下敘以古今兵法南北戰守方略盡得其指要勸以武功自見曰子當爲
名將非一書生也爲言於軍襄毅綸譚一見亦奇之曰俞戚之流亞也起
家京營出守古北歷游擊將軍若節鎮者十年節鎮自隆慶初譚戚爲督

鎮修舉邊政胡塵不聳十有五年而季立爲譚所知又與戚論兵抵掌相
得慨然有長驅遠略之志已而俞死戚罷邊事憤廢督府私人行賈塞下
侵月互市金錢季立力持之督府恚將中以文法歎曰吾投筆從戎頭須
盡白思傾酒一腔熱血爲國家定封疆大計而今不可爲矣吾仍爲老書
生耳遂拂袖歸里角巾蕭寺偏閱佛藏入羅浮游西樵吊宋故宮于崖山
窮蒼梧桂林諸勝聞焦狀元弱侯老而好學裹糧來白門離經析疑扣擊
累年弱侯歎服以爲弗如撰著甚富毛詩古音考其一也已復游嵩山而
返久之乃卒季立不得繼余戚之後登壇爲各將卒爲名儒以終其學通
五經尤長于詩易論兵學論文章皆鑿鑿有根據萬曆辛亥年七十有一
棄其四言五言古詩爲一帙命曰寄心集感古之作其在萬曆中年儲危
政黜之時乎昔人有言千載而下難以情測也

感古十四首

楚莊入陳爲靈討賊戎首孔儀云胡弗殛子靈之妹尤物善惑施於通衢
孽妖斯息留貽巫臣竊逃異域竟通勾吳奔命日逼越及昭王遂大喪國
盼冒若教幾餒弗食哀哉禍水流殃靡極誰謂婦奈糾如彼繩察若日星

可使昏黑盡厥心志剪厥羽翼溺墮深淵拯之罔得我思成湯邪迺聲色
昔人事主彌礪厥心豈無過動終不媿人先軫慢唾嚮拳兵臨其役致命

伯官自刑英英風烈丹青古今去之千古肅肅我欽

楚昭反國說反屠羊犒師存因炫高鄭商居處卑賤陳義匪常誰謂草澤

而乏貞良嗟嗟貴仕名利存育視彼二子冥鴻天翔

魯有賊堅矯矯男子戰獲齊侯唁使無死其誰實來風沙衛氏事逆刑臣

義烈所耻君命祗辱曷禮於士挾傷而亡懦者興起安得若人砥此劫靡

大夫立嫡周魯之綱無嫡以長國有典常云胡武仲欲亂舊章取媚季武

成厥輝狂緊尊旅獻遠易大行悼子既定已則奔防幾廢二勳致慕穆復

竟列盟首丹誓不忘事不恕施智也曷臧

楚共將歿求厲若靈宋元遺命楸柎示刑君也知過臣也守經千載而下

並仰德馨孰與迷復至死弗醒

楚昭遠理曷罹喪殃股肱讒慝令尹子常賊虐卻宛奪民之良蔡以裘佩

唐以黼黻三年淹恤龍賂莫章栢舉戰敗於鄭道藏身磔其體苟斧其吭

斯人逃罪國無紀綱所貴哲后區別奸良死也是庸何怪奔亡

宋之子罕不貪爲心人獻人玉吾守吾琛利之靡漸物孰能侵寶各不喪
昭哉德音嗚呼天王求車求金

魏有農夫耕獲美璧以示其隣誑謂怪石歸置廡下光照一室疑是怪微
弃諸遠陌夫苟弗知至寶輕擲世多若人賢聖滅迹

子期聞聲覺有深悲召而問諸母子仇離殺人者死父怨匪追毋輸官釵
三年於斯量所以贖貧莫爲貫身又公役曷遂我私悠悠長夜痛結肝脾
心固非臂臂非木椎悲存乎心木石應之奈何一氣形隔而虧忿生衷隱
漸至交爽有親靡孝有子弗慈招讒維本召弑實甚明明恩紀忍底淪漸
側聞是事如何弗思

楚申子培奪主墮兒冒代不祥三月獲死誰其徵之厥有故史其弟請賞
王亟發視亡身殉君穆行乃爾胡今之臣徒知其已

川兵之道慙先治心執楛擗飲踞轉鼓琴整而且暇將斯能任方寸一亂
冰炭交侵若用以戰遺敵之禽

前古有聖後世之師後世有聖前古之資維楚文王申侯是悅當身放逐
早絕倭孽耿耿其謹矯以義禮亟錫之爵寧其忤已彼恐將來有遠者生

非我用舍喪厥令名奔走真力預爲之更大哉聖哲默運法程

古之大雅剛柔迭居伊誰實似商氏相如秦王鼓缶廉頗避車挺挺其勁
掛掛其虛展轉變化一龍一魚去之千載英風若初云何鄙士強吐弱茹
於私則急於國則踈

咏懷十首

西谷有一士蕩然無所求問君何爲者神閒道自休上無求于帝壽天等
浮漚中無求于世人呼任馬牛下無求于子苟以嗣春秋三者既無求長
歌何所憂

丈夫生世間如彼長江水涸則涸涇涇流則浩瀾瀾建業與立言隨時任
所履何足芥胸懷行藏判憂喜吾觀古聖賢欲爲蒼生起桎梏苦不投皇
皇未肯止下以舒屯蒙上以存變理天命苟有涯歷聘徒勞只不見稷契
壘空山亦土壘

火用在得薪才用在識真隨宜作整踈龍德乃全身偉哉稽叔夜濁世清
鄰鄰凶尤竟不免好善而聞人聞人動有累幽憤何由申哲愚亦惟是千
載爲悲辛蘇門先發希見幾如入神

千里乃咫尺生賢如比肩千載乃頃刻聖起如踵連古今何寥泝接琴扣
商絃南山有瓊芝五色含雲烟采之思所貽庶其徒泯然

至言本難言真得何所得以意示者深以詞教者啻宜尼述天行伏義垂
卦畫忽常蠶遞時踪跡杳莫測孫登鳳凰嘯仲長疇啞默道人自曉了
俗任疑惑何必白區區衷腸恐藏匿惜哉鵝湖辨愠怒見顏色雅士慕渾
倫所希實玄德

吾聞陰子春數年一洗足又聞何休之一日十數浴兩者倘相逢微言近
難告鶴長非所斷臯短非所續道義卽深明啟發因流俗嗟哉極高言至
死藏心曲

某流迤江漢矯首望河汾惠風霽四野上有洙泗雲慷慨懷懷慕曠世不
可群歸來長歎息筆燈理遺文亦有二三策末由掃清芬高山徒仰止微
言竟誰聞

均斯大塊氣落地有雄雌故此同類人因心別崇卑竹道日以智狗欲日
以疑微哉舜跖聞君子辨其幾

水風偶相遇綺文自炳煥艸木花實敷輝燁光且爛暖妹者何人劬力彌

持且秦漢錯雜陳標綴成篇翰試以道眼觀臨流再三歎李立齋云李湛甫山而明文衰矣故詩如此

清寧育萬品種種成形色桃李本繁華松栢挺孤直鷓鴣老一枝鵬奮垂天翼小大各有宜修短稟物則君子履吾常何入不自得嗟彼冥行人貪天為己力撥石募三鍾下條管要職畔美轉相尋種種如料糧息飛高是夫人心於何極所以老氏書止足昭玄式

北征道中四篇

翩翩五兩載發載遠沙灘壘壘溪流反反臨此劍津伊思塞死我有所懷

遙展嫵婉故在到門往麻德里

秋風拂拂楊柳淒淒商羊為虐樹杪棲泥四野蕭颯幾之造黎羈人夜泊

蟋蟀宵啼

四望茫茫原隰無隳亂江涉淮云戾徐土我授我衣復越齊魯家鮮擔儲

憂我父母

天邊鳴雁行列雁歸伊誰云從實維我師我師元老壯志不萎過古賦

嗚嗚然嗟思此所念

夾溝道

夜過夾溝驛十里馳車聲風急四野黑隸從呼前程道旁四五屋起視且
復驚男人秉炬盡婦女扶燈行自言早太甚枵腹供官征棧中三歲兒弃
置啼失聲不忍聞此語淒淒傷我情

官路傍

槐柳官路傍華屋如櫛比烏革及鬚飛丹青光照地懸額俱生祠各有豈
碑記就碑讀其詞歎息美且異德政不一書豈數漢循吏父老笑而言官
府自營並

驛昇夫

衝驛有昇夫仰天長歎息歎息亦奚為符傳何太棘朝饑走送迎日落忽
昏黑昏黑復奔馳足繭肩肉蝕驛吏罵且笞使客怒作色典衣兼在人妻
子無聲食泣對妻子言早祈死路側踟躕何所思江陵張相國驅豈

江漢行

江漢二千里征輪節節添估人貧到骨灑淚赤沾襟曠野無青艸陰風動
綠林普天財不貲否泰視民心

述史歎

無財有至樂豈不在讀書朝夕坐展卷何必論三餘無位有大權豈不在作史上下古今間褒貶由一已左氏本彬彬馬班亦繼起文采燁以光直筆垂千紀云胡魏晉來祇以飾怒喜所惡西施媼所好無鹽美鑿別味人倫傳聞憑口耳掘井得一人渡河乃三豕編簡雖浩繁君子意所鄙

再送董崇相戶部課績

歲昔在乙巳送君入土京亂流濟扁棹兩岸多鶯聲一別詎能幾今又送君行濃談殊未盡東曲遊慣盈燕薊正雨雪初為獨北征行途登泰岱吳門望正晴上有無字碑秦漢銘已傾秣陵舊都地守重隔江城國初宿屯戍五衛列藩營自從崩圯後洲渚坦以平何當存犄角識者為心驚袖中有短疏意在扣宸明遠臣既建白公輔會相成願君且靜默造物忌取名

四憶詩四首

憶昔在清漳帳下多童冠切磨論至德餘義及篇翰別來四十年凋謝已大半登高望海水茫茫無邊岸欲贈以瓊瑤脚躑躅歲復晏

憶昔在薊門坐中多劍客漁釣遶馬鳴風高秋艸白別來三十年采薇吳

夙昔登高望紫塞朔雪沈幽磧欲贈以寶刀徘徊空脉脉
憶昔在粵東樽前多漁父泛海尋仙山蓬萊若可覩別來已十年伊人且
塵土登高望嶺表浮嵐帶陰雨欲贈以明珠惆悵肝腸腐
憶昔在武當山中多道侶日雪陟危峰摘筇凌險阻別來已五年飄飄一
羈旅登高望漢水瀟湘迷楚壑欲贈以金丹歎息獨延佇

歲暮客居呈弱侯三篇

仲尼本周流忽發歸與歎意在就六經匪爲思鄉申嗟我老無聞託興游
汗漫遐想古通人反側常宵半秣陵一君子少小登道岸嗜學自性成義
易且夕翫近得從之談悅上中天觀詩書數千載立語窮真質欣然遂忘
家何知有歲晏

晨起臨北窗連陰未朗微昔出桃李華今看霜霰結爆竹頻有聞天涯近
除節而我客南都心跡俱寂滅外戶常反扃四壁幽以冽執爨雖一夫瘞
殮良靡缺晏坐展圖書祛寒親翹葉時與達人談千古共參折清燈耿前
除談能自怡說回首風感人遲暮正愁絕

玄樗日雨雪義御如潛階庭對妻以催朔風吹不息晨起擁孤衾咄嗟已

昏黑迷徑絕來踪咏歌驚响臆細想大人徒辛勤甘自力貧老榮啟期拾
穗意亦得嗟余獨何人無事坐安食時與同心朋一杯論稼穡

豫戒詩寄兒祖念并諸親友

梁鴻終會稽堯夫老雒陽生卒異厥處達人何慨慷我本游汗漫野鶴共
翔翔今年六十九髮長同秋霜又拚厭世日隨地為坎藏烟雲開嬰旒星
月懸燈光形骸雖壘塊神氣任徜徉慎勿泥世俗散土攜歸鄉生既耽五
岳死豈戀一方攜婦失我意泉下徒悲傷此心常耿耿盍之有寫蒼作詩
比遺令小子永勿忘

後出塞 以下集上作

萬里秋風海上生驅車今復成檀城天寒夜渡韋溝水馬尾凝冰碎有聲

喜峰關

邊日凄凄野色愁山前流水雪花浮兒童解唱胡人曲短笛清笳別樣秋

見楊花

燕山三月楊花滿天白雪隨風斜客子出門已十載飄零感此思回家

楊花飛

客愁不可道歲歲楊花飛飛盡春光老春光迅速若轉蓬丈

夫建樹難爲功李廣不侯馬援謗至今慨歎傷英雄傷英雄徒拂抑髮華
忽似楊花色不如匣劍帶去來南山之南北山北

奉送賊都護歸田四首

承平日久不知兵南北徵師浪結營獨有鸞鷟明節制堂堂中國振先聲
鸞鷟公所制牌名

轅門遺愛滿幽燕不見胡塵十六年誰把旌麾移嶺表黃童白叟哭天邊
朔方遼海懷恩信日本安南識姓名蓋世勳庸仍不伐循循來帶一書生
黃金散盡結英雄不負行閒尺寸功却媿十年鞍馬下捐軀空慕古人風

萬都督表

表字民望鄞縣人始祖國珍首率義兵靖聖祖于淮甸克萬戶子孫世襲
指揮僉事年十七嗣職正德庚辰中武進士以都指揮起家爲漕運參將
者二漕鎮總兵掛印者二以都督同知僉書南京中軍都督府公於漕政
兵事無不洞悉所至皆建豎甲寅海上倭亂散家財募死士奮欲死之僉
書南府道經姑蘇與倭遇棧門楊涇橋率所募及少林僧邀擊身中流矢
道書于子曰我家世以戰功死王事我身不任兵晚年添一箭殺不亦美

乎策夷情洞如指掌而論北虜尤人所未發惜乎其不得用也少嗜玄學
已而精閩內典披衲入伏牛山曉行見日升忽大悟歷官四十年家無餘
財跣屣齋跡與野衲雜處嘉靖中王汝中羅達夫唐應德以理學名于時
而公與之頽頽自號鹿園居士子達甫官至廣州參將孫邦孚狼山副總
兵皆儒將云

閔黎吟三首 有引

潮參政平崖錢公出按囚明會予於舟中談及征黎事悲動顏色且示以
閔黎諸咏惻然傷懷因而有作

地何產柗與速吾何畜豕與犢豕憤盈盤吏反與柗速窮年束不足但願
黃金滿粵南寧使黎田不盈粟粵南金多吏不索黎田粟少人未哭刻捕
為約安得銷人俱其無歲歲生當刺吾肉負戈因拚一命債嗟嗟黎人
誰爾牧皇章惠爾非爾游

虎兕來猶可奔狼師一來人無存大征縱殺玉石焚昔人賜勦只一掃嗚
勦功成賞不厚大征廢子還廢孫殺一不辜尚勿為何況萬骨多冤魂願
君爵賞毋苟貪但以三槐植爾門

鑿而飲耕而食撫黎何事來相通謂老有世瘠牛可耕豈不惜靈水那堪
吞滿臆以豐水之用透明燈火忽驚疑一望旌旗我心惻則明
壽國南征稍喜平屋公穢掃惟悲不為德

山中酬唐太史見訪

山齋寂寞臘初深披衲朝朝聞梵音我已出家惟帶髮君來連榻與同心
天涯避地因多病幻跡隨緣卽故林明月滿庭殘雪在那堪孤棹返山陰

申少師時行

時行字汝默長洲人嘉靖壬戌狀元以修撰歷官詹翰萬曆戊寅以吏部
左侍郎入直東閣官至少師吏部尚書中極殿大學士為元輔九年而歸
歸二十有三年壽八十考終于里第少師當國承江陵之後深得主眷文
恬武熙海內清夏進退雍容主眷優渥三詔存問壽考康強時時與故人
遺老修綠野香山故事賦落花及咏物詩丹鉛筆墨與少年詞人爭強角
朕每歲除夕元且與王伯穀倡酬賦詩二十餘年不闕吳趨委巷郡世僧
舍詞翰流傳互相珍重太平宰制風流弘長至今追想以為盛事少師七

十福清葉少師爲文稱壽以爲天之幸人蓋福清當國事物情視萬曆
初日變而日難宜其致美于公自歎以爲不如也余爲書生好譚國政大
廷對策極訟江陵受遺寄命尊主強國之功而後人紹述者盡察其綜覈
之政一切爲頽墮姑息以取悅于天下紀綱不振議論日煩取此之故也
臣朝後以詞林後輩謁少師于里第少師語次從容謂曰政有政體閣有
閣體禁近之臣取在密勿論思委曲調劑非可以悻悻建白取名高而已
也王山陰諍留一諫官桂冠而去以一閣老易一諫官朝廷安得有許多
閣老名則高矣曾何益于國家閣臣委任重責望深每事措手不易公他
日當事應自知之方謂老夫之言不謬也德音琅琅不聳不茹實爲余制
策狂言而發迄今猶可思也少師文藻婉麗實出同時殿閣之右有賜閒
堂集行世

立春日賜百官春餅

紫宸朝罷聽傳餐玉餌瓊有出大官齋日未成三爵禮早春先試五辛盤
颺風入仗旌旗暖融雪當筵七箸寒調出十年空伴食君恩一飯報猶難
應制題扇

羣芳爛熳吐春輝
雙燕差池雪羽飛
玳瑁梁間寒色瑩
水晶簾外暝光微
輕翻玉剪穿花過
試舞霓裳帶月歸
一自銜恩金屋裏
年年送喜傍慈闈

右杏梨白蕊

燭淚

風襲簾帷炬色寒
鮫珠錯落瀉銀盤
紅綃半濕金蓮吐
紫焰微銷玉筋殘
傳蠟漢宮春厭浥
絕纒楚館夜闌干
須知歸院承恩日
涓滴還將雨露看

落花八首

銅臺金谷總堪傷
昔日繁華已就荒
香入燕泥添舊壘
影歸鸞鏡作殘粧
簾櫳飛絮隨春老
庭院游絲共日長
聞說仙葩能不謝
誰從海外覓奇方
名園佳卉劇堪憐
玉褪香消倍黯然
旖旎不禁合雨墮
輕揚無奈逐風顛
漢宮憔悴悲顏色
韋曲蕭條感歲年
春去春來如有限
試將圓缺問嬋娟
撲面窺簾故惱人
穠華能得幾回新
漂搖逐浪渾無賴
潛蕩隨風似有因
青鳥街來沾綺席
紫駟嘶去踏紅塵
呼童掃逕還教住
醉客何妨吐錦茵
繁華過眼若爲情
獨倚雕欄數落英
朱戶月來虛弄影
玉階星隕不聞聲
驚鴻離浦游魂遠
飛燕朝陽舞態輕
幾日啼將春色換
教人錯恨樹頭鶯

歷紫殘紅慘不禁狂蜂醉蝶香難尋閒蟻半蝕苔痕淺曲逕全埋艸色深
游子驟驚風雨夢美人長抱歲時心枝頭取次成青子且共携尊坐綠陰
香閣繽紛可自由豔姿狼藉倚誰收鉛華有恨空辭鏡羅綺無情宛墮樓
流出御溝春脉脉迷來仙洞水悠悠風光迴轉尋常事可奈年華送白頭
殘英片片入塵埃汚巫迢迢遍荆萊野鹿嘶將溪畔過杜鵑啼向月中來
偶經別院飄歌扇忽舞前簷送酒杯不似無情東逝水明年還逐艷陽開
春風吹老夕陽斜一笑嫣然度歲華暫與名園敷錦繡終憐幻質委泥沙
白頭吟罷空相憶紅顏啼殘轉自嗟疑是瞿曇新說法故教天女散空花

陸官保樹聲

樹聲字與吉華亭人嘉靖辛丑會試第一人選庶吉士授編修請告還里
卽家拜國子司業晉祭酒歷遷吏部右侍郎起掌院教習皆不赴卽家拜禮
部尚書江陵當國引禮不少假抗疏請告江陵使客以微言媿之笑曰一
吏官二十年出山豈有意樹桃李希揆席耶五疏得賜告年九十七詔存
問者三無病而逝贈太子太保謚文定公暨情修堅晚節清虛恬退所謂
外現儒風中修梵行者與公年九十時以衲衣一襲付慧日院手書一詩

子衲表又自題其画像留寺作供松人以爲美談弟樹德子彦章皆至大官有聲跡

題衲衣

解組歸來萬事捐盡將身世付安禪披來戒衲渾無事不向歌姬爲乞緣

題画像

豈有文章直集賢也無勳業到凌烟只應画作老居士惜與香山結淨緣

楊官保魏

魏字伯謙海豐人嘉靖庚戌進士知武進縣召入爲兵科給事中出爲山西僉事陽和兵備副使特旨擢僉都御史巡撫宣府再撫陝西以右都自陝移晉入爲兵部侍郎起南京戶部尚書召入北工部復自戶部移吏部在銓七年自太子少保晉太保歸田十五年九十二而歿近世大臣功名壽考未有其比其在銓處茂苑婁江新安之間有壩麓而無柵鑿亦近世銓臣所未有也家居卜居桃花嶺下延致四方文士詩酒酬和其詩多俊拔之致李中麓諸人咸推之

過文山祠

丞相名偏重，遺祠世共尊。乾坤紫市遠，日月蕙樓存。一死消胡運，孤忠報漢恩。中原還正統，辛苦向誰論。

讀謝靈運山傳

宋陶沉炎海壘，山起信州潛。龍終見奮鷲，鶴自難收故。作君平卜，真懷豫漢憂。遺忠今尚在，常共大江流。

北樓口留別許參戎

秋塞難爲別，一尊駐晚暉。悲風嘶去馬，落葉上征衣。野燒臨河斷，寒沙帶雪飛。邊城人不到，此後信應稀。

秋雨宿黑石嶺

嶺險藤迷路，山高石作城。片雲何處雨，孤客此時情。茅屋幾家在，秋風半夜生。旅魂愁已絕，況聽鼓鼙聲。

早秋登龍門城樓

指點雲州地，真爲漢北門。八城臨大漠，一路向中原。晴日山川映，秋田黍稷繁。文莊經略處，父老至今言。

海鄉聞雁

平蕪霜露合孤雁向南征影落黃龍渚聲淒魏豹城殘雲疑路斷新月似
弦驚十載關山北曾傷故園情

答任栢溪韻

身世無端夢亦驚踈慵到處是愁城幾年不見漁樵業垂老仍聞鼓角聲
旅食新從多病減炎天誰能遠方行勞君佳句頻相慰那廟江湖別有情

過冷泉關次韻

西風落木不勝秋百雉關門控上游標柱何人似破虜樂縵任客慢生愁
雲開電掣當天出雨漲汾河拍岸流到處登臨與感慨角聲高起夕陽樓

干闥學慎行

慎行字無垢東阿人隆慶戊辰進士選翰林庶吉士授編修萬曆初江陵
起復具疏請止桂林阻之不得上江陵卒有詔籍其家詒書丘司寇樛極
言江陵母老諸子覆巢遺卵宜推明主帷蓋之心全大臣替履之誼舉朝
義之歷官坊局拜禮部尚書力請建儲不報自劾乞罷久而上復思之
丁未六月詔以原官入直東閣甫拜命以末疾臥邸中不旬日而卒年六
十有三贈太子太保謚文定公在史館窮年矻矻以讀書爲事每進講府

史至成敗得失之際反覆論說上爲懷聰講罷分題賦詠不長于書詩成倚人書之上問之具以實對上大嘉讚書貫經史通曉掌故以求爲有用之學凡所援據駁正具有源委皆可施行謝部事居穀城山中十有七年網羅搜抉蘊籍益富甫大用而遽卒天下惜之公於詩文春容宏麗一時推大手筆其論古樂府曰唐人不爲古樂府是知古樂府也辭聲相雜旣無從辨音節未會又難于歌故不爲爾然不效其體而時假其名以達所欲出斯慕古而託焉者乎近世一二名家至乃逐句形模以追遺響則唐人所吐弃矣余聞爲郊祀鏡歌可數十首已而視之頗涉兒戲亦復不自了然遂焚弃之取其音節稍近者倣其一二謂之本調至近體歌行如唐人所假者不曰樂府則詩之而已矣夫唐人能爲而不爲今人能爲而遂爲之予奈何不能爲而爲也其論五言古詩曰魏晉之於五言豈非神化學之則迂矣何者意象空洞樸而不敢瑣軌塗整嚴制而不敢騁少則難變多則易窮古所謂鸚鵡語不過數聲爾原本性靈極命物態洪纖明滅畢究精蘊唐果無五言古詩哉余旣知其解矣而不能舍魏晉者取其可以藏拙且適所便非能遂似之也海內賞真之士有以吾言爲

是者吾詩雖不觀可矣公生常慶曆之世又爲歷下之鄉人其所論著皆
歲歷下之膏肓對病而發藥夫惟大雅卓爾不群其是之謂乎近代館閣
其盛于戊辰公與雲杜李本寧才名相並以詩言之則大泌眩乎其後矣

驅車上東門行

驅車上東門回望咸陽路鬱鬱五陵間鬱鬱多墟墓長夜號馳馳秋風走
狐兔快登游且歌行人四面顧借問此何誰昔時蓋與傳車馬如流水窮
宅通雲霧富貴一旦空忽如艸間露閱水日成川閱世人非故賢愚共一
丘千載爲且暮咄彼道傍子營營胡不寤

子夜歌四首

秋月照四壁絡緯當窗織徒聞機杼聲終夜不成匹
始欲識歡時願作同心結絲綫不相逢裏許暗自別
枕上看月來夢中與歡訣月自不相離歡心不如月
儂如水中石波至亦無動歡如陌上塵左右從風吹

子夜春歌二首

朱景帶碧樓新風吹羅幃誰能懷春情不發弄絃響

金屋燕初飛長堤艸已綠春蠶不作繭思子何由續

子夜夏歌二首

何處復無暑月出湖水邊泛舟芙蓉裏分明自取蓮
含桃初作花畏恐傍人見今日食含桃空條誰復盼

子夜秋歌二首

涼風夜中來白露凝如玉不敢拭清砧擗衣亂心曲
露井凍銀林秋風生桐樹任吹桐花飛莫吹梧子去

子夜冬歌二首

萬里覆寒雪千林飛素雪此時為歡愁心如三伏熱
華茵倚重爐旋房卷羅幙驚見雪花飛謂是楊花落

讀曲歌

儂作博山爐雙烟吐不住即如飄風吹但將香引去

感懷

東出長安門倚馬息道周上有百年木下有萬古流華軒馳廣陌冠蓋如
雲浮去者日以遠來者日以道朱顏入朝市皓首將安求應侯朝上書燕

隱慕西游榮枯在僊仰譬海洋水滙所以赤松徒屣脫萬戶侯

雜詩三首

北登遼陽城願望三韓近大海何蕭條白骨橫野艸下文蛟魚食上使鳥
蕩飽傷哉十萬師大半塗肝腦粟米量如沙金帛積成島功名誠可爲封
禮在自保閉關謝遠人良圖胡不考

延陵有長劍寶若千金璧閉匣泣風雨開匣下星口駿馬與各都羅列終
不易服之適與土見謂鉛刀質徐君亦何爲神襟獨爾識欲色在不言心
許成莫逆如何歷聘歸墓門已有棘合意竟未伸涕下空沾臆幸木集疑
風可以懸三尺寸心苟不渝是物何足惜驅馬去郊原棄置如遺迹賢哉
貨公于交情固金石咄彼市門徒景行宜自惕

神龍時未遇螻蛄深淵不有浮雲藉何由潤八埏賜鵬隨海運一徙陰
重玄扶搖非有負羽翮安能旋遠臣必有主邇臣必有先商君因景監五
殺介繆賢內資富強業外揀侯王權功名豈不偉烈士無稱焉行藏制在
已升沉制在天寸尺既可托冰文寧無愆所以魯連于抗志青冥間隻矢
三軍解單辭六國全萬鍾苟不欲是脫如浮烟諒哉天下士時克與比肩

長安道

東出灞陵橋，回望長安道。樹花萬戶，吸風輕羅綺，千門明月曉。漢家宮闕，鬱岌崑崙碧，閣珠樓綺。宮衣冠蒼玉，佩將軍甲第。赤欄橋，平明內殿，承顏色。日晏胡迴行，紫陌夾道金鸚鵡。汗流盈門，繡轡朱塵，塞人生得意。自輝光刺謁，紛紛滿路旁。一笑看人，回祿命片言。酬客腐肝腸。小子勝衣，皆受印蒼頭，結綬亦爲郎。龍虎三千陳列，第鸞鸞七十圍。東府銀牀，月盤流蘇帳，翠幙烟浮。玳瑁梁，鏗前北里，千金舞座上。宜城九醞觴，年去年來無且暮。春花秋月依然度，歌吹平連長樂鐘。林園直接新豐樹，祗知娛樂不知憂。轉眼榮華逐水流，誰道冰山可永峙。誰言天雨可重收。曾聞上將幽鍾室，曾見元公賜養牛。博陸門前羅易雀，平津邸內走騰虵。古來世事，卽如許道上垂楊，不解語。唯有東陵舊日侯，瓜田看盡青門雨。

大堤曲

大堤春盡花如雨，大堤女兒隔花語。揚州估客四角幘，扶酒闌梳宿江渚。芙蓉寶帳綠雲鬟，翠簾銀缸夜色寒。倚瑟當爐春酒滿，不覺望月曉衰殘。石城一曲歌未足，日出天空江水綠。合啼送客更多愁，腸斷烟波萬里秋。

上雲樂

東廂食舉百戲作魚龍曼行中堂落華鍾忽駐舞綴停更進西方上雲樂
老胡家世是文康紫髯深目華蓋方白巾裹頭火浣細絲珠作帶蘇軾長
曾從海上裁若木吹笙更截崑崙竹朝看阿母髮成霜夕見安期顏似玉
却候明時日再中場來獻黃玉門東流沙暮涉三萬里碣石天開百二重
辟邪師子陳成列赴曲聲隨蕭鼓節漢苑白麟未足珍宛城寶馬空稱絕
老胡歌舞奏仙倡爲祝黃閣日月長但願百蠻九塞靖烽火陛下長傾萬
歲觴

武定侯墓歌

長安城西銷客魂故侯墓前雙石門空梁無風蟻蟬掛高臺不夜虬泉奔
行歌牧豎上隴首守冢老兵眠樹根道傍徒倚長歎息千古此意誰與論
當時貴寵其無匹勢倚青天迴白日駿乘親陪別苑游行香日侍齋宮直
元公鐵券大國封都護金章新樣刻玉鞭蹀躞內廐馬雕盤絡繹向方食
權相交驪亦掃門徹侯受酒成避席此時意氣薄青雲啼笑看人寵辱分
負郭園池田太尉重城甲第霍將軍求僊偏訪燒鉛客亡命多歸帶劍群

曲閣重樓春自駐繁弦急管日初曛自言富貴無銷歇爭見桑田海亦竭
未央宮前請空開咸陽道上車塵絕開門行馬臥薜苔舊館學恩藏雨雪
只今尺土閉空原歲歲表啼杜宇血吁嗟嗟世皇二龍傾朝廷前有武定
後咸寧福過俱爲萬人指法行再見七廟靈人間榮悴滅可數古來金谷
與郡塲前車已卻後車馳請君但看北邙土

雙林寺歌

雙林寺在初大瑞爲住持建寺於此林即山之別觀也

道旁佛宮誰者築珠樓寶殿橫山麓僧徒指點爲予說此寺方成主人逐
憶昨十載氣薰天吐納日月揮雲烟外廷稍引三公勢內禁親操六璽權
出入鈎陳留筭鑰笑談甲觀走金蟬建寺平侵貴主第施僧直請大官錢
輸來多寶堆成塔輦盡黃金布作田法官梵宇何連曼勝地名區看不斷
墓上林園學九陵祠前樓閣成雙觀落成牛酒國親供建醮香花天女獻
吁嗟此寺馱渺小赤刀已欲盈千萬我皇神威符世祖距脫大奸俯地取
郭家金穴入水衝邵氏銅山歸少府廬兒解玉乞街衢宅婦懷簪隨卒盛
惟餘此寺在郊原虹梁綺構誰爲主味網空懸梵鐸風青苔自鎖玲琅雨
盛衰轉盼那不有幾年翻覆看如許君不見江陵城頭土三尺若教餒鬼

不來食一代賢豪此謂何兩全首領恩亦極

雪後登樓看山歌

昨朝飛雪滿大荒登樓四顧天茫茫今朝登樓禁不得吾與青山頭並白
筠牀呼酒晶宇開瑤華積作中天臺對山遙勸一杯酒平生與君為素友
君今頭白青有時奈何吾髮真成絲

雨中舟行

天開雨冥冥孤帆過驛亭雲吞江樹白霧失曉峰青岸鳥迎船濕河魚出
網腥生涯多少恨無處異飄萍

題画

點淡秋湖色涵虛望渺然斷橋橫落日遠水出寒烟雁向平沙落鷗依折
葦眠吾家住湖上閒殺采菱船

應制題画四首 有引

萬曆戊寅正月上出內府画册二十六幅命日講六臣分題奏上各賜銀
豆一包時同事者官詹吳門申公官諭信陽何公官洗新都許公官贊武
陵陳公翰撰南充陳公也予分得四題如左

輕綉寒色動不是月華開鳥道千
取迥江光一徑迴虛無分玉樹彷彿想
瑤臺未擬歌黃竹陽春徧九垓右雪景

瀟瀟一幅上秋氣滿楓林半似隨風引全疑夾霧陰遠峰看處暝疎樹望
來深筆底烟雲色爭知用作霖右烟雨

筆端成大造海鳥若相忘暮雨汀莎濕春風岸芷香柳邊迷落絮雲裏帶
飛霜總爲經天派長留羽趾光右白廟御筆汀景

渺彼榆枋翼丹青畫作真靜眠官艸日閒傍花花春顧影驕金距逢場上
錦茵非同殊樹鳥獨用羽毛珍右鴉鴉

邵伯湖夕泊
日暮倚蘭橈秋江正寂寂驛門斜對雨郡郭遠通潮急櫂看商舶寒燈見
市橋隋堤前路近欲聽月中簫

長干
白門通市里傳是古長干陌柳藏鴉曙秋潮帶雨寒橫塘婦客斷子夜舊

歌關別是繁華地休將六代看

秦淮

秋月秦淮岸江聲轉回橋市樓臨綺陌商女駐蘭橈雲裏青絲騎花間碧
玉簫不知桃葉水流恨幾時消

白溝河

西風吹易水晚飯白溝河獵騎平原淺漁舟別渚多地分燕趙敵國感宋
遼和今日逢全盛盧龍尚枕戈

贈人爲金吾郎

陌上錦雲連期門校獵旋射聲銀作簡驛影玉爲鞍撤州連雙兔凌空接
兩旁應憐漢飛將白首滯窮邊

詠史

十八侍中郎春深侍建章呼盧金叱側蹋鞠玉樓旁夜賜離宮酒朝燕異
國香可憐秦殿女向月卷羅裳

上厲馬嶺舊寺

荒涼經古寺迢遞出層空路抱千峰轉天開一竇通殘松疎雨後頽瓦夕
陽中猶有餘僧在逢迎問轉蓬

秋日南溪閑眺得李宗伯丈書

溪閣非無事，秋清日轉長。
掃花安鹿帖，石補魚梁。
高樹留新雨，平波滌夕陽。
遠書何意至，三讀素心傷。

冬至南郊扈從紀述和陳玉壘太史韻六首

聖后乘乾奉帝禋，日躔南陸協靈辰。
九闈肅啟天門鑰，萬姓歡隨御輦塵。
樓雪初融丹禁曉，葭灰微動玉衡春。
虛榑珥筆親文物，寶有甘泉賦未陳。
玉闌東畔画簾前，到處常隨豹尾旋。
聖代儀文今日盛，儒臣雨露向來偏。
琅函賜錦馳中騎，寶鼎分餐出御筵。
齋室受釐應有問，朝回猶恐夜深宣。
絳闕陰沉啟秘扃，參輿肅穆款真庭。
霜凝碧落天衣濕，月上仙壇玉樹青。
帝座三重開萬象，雲門六變走群靈。
祠臣秉笏香烟裏，時向珠璣叩玉星。
絳節氤氳上太清，紫烟縹緲冠層城。
鶴行不動瑤輝影，鳳幄微聞玉藻聲。
律應一陽璇象轉，福凝五位泰階平。
禮成回蹕傳行漏，百尺華燈闕下明。
燈火薰天夾路旁，屢車旋處翠華張。
非烟擁蓋璇霄麗，若月乘輪御陌長。
十里香花連泰畤，千門鼓吹徹昭陽。
皇誠已自通天貺，萬祀應知寶祚昌。
紫氣葱葱繞禁廬，南郊迎日履長初。
皇王禮樂光前殿，侍從聲華滿後車。
漢時龍鱗金匱紀，周臺雲物彩毫書。
雄文亦是鄉人似，齊客談天恐不如。

館課冬至齋居

緹室灰飛暑欲長，清齋仙館坐焚香。
雪殘樓閣虛瓊樹，月出簪裾滿玉堂。
筆望五雲迎舜日，心隨一線入堯裳。
明朝負案趨陪地，只在瑤壇帝座旁。

葛端肅公輓章

少年聲價省郎遊，一節冰霜到白頭。
降嶽神生星應昴，濟川功就壑藏舟。
朱門舊第公槐影，落日新阡宰樹秋。
惟有故時雙鶴在，月寒華表不勝愁。

在告書懷柬可大

金門何事轉愁予，日見紅塵上錦裾。
祇爲思歸常數雁，幾因多病欲焚魚。
鄉心瓦上三更雨，客計牀頭數卷書。
幸藉旬休聊閉閣，文園從此臥相如。

病中遣懷

三月孤齋斗帳寒，十旬休沐主恩寬。
閒翻藥裹呼兒晒，細檢詩筒借客看。
千里鄉心芳艸綠，一年春色杏花殘。
浮踪去住渾無賴，行路人間信是難。

山居自述呈王對南相君

闕下班行舊日分，海邊名姓少人聞。
一竿自釣南溪月，五犂親耕上阪雲。
竹徑常無猿報客，松關惟有鶴爲群。
只緣不忘平生誼，寒雁來時屢夢君。

宿雲樓閒坐

久將心事付山靈石几焚香對翠屏萬里秋聲雲外雁一天寒色雨邊聲
閒來解自燒茶竈病裏憑誰著酒經總爲此中堪避地不教人指少微星

恭聞東宮禮成志喜

午夜前星耀禁林龍樓紫氣曉來深當年苦竭愚臣悵此日真知聖父心
關塞烟銷休戰伐江湖春至起謳吟瑤圖億萬高皇統只有神靈護至今

新都程君房寄墨數螺道中爲稅使所權戲作志感

客卿聞已渡江涔烏有何從問藝林楮國交游成落莫松侯封爵付銷沉
思玄但檢張衡賦守黑空遵老氏箴爲語中人休錯誤險糜原不化黃金

閒居述懷

未老歸隨鹿豕群十年閱盡北山雲神全瓦注原非巧名混金甌久未分
歲晏誰能懷鄧禹功高自合謝田文華陽十賚皆君寵九命何殊闕下聞

紀賜四十首 有序錄三十首

皇上登極以來日御講幄談經論藝五六儒臣趨陪近弼晨朝三接龍賚
便蕃歲無虛月卽動貴大臣有不與焉臣慎行自丙子七月叨侍講讀至

己丑七月進掌春卿而解計橫經玉案前後十有四年所受特恩賜予不可數計仰仰皇上隆儒重道盛心近世帝王所未嘗有文史小臣過承豐渥念雖捐糜無以報稱歸田閒日錄出歲時賞賚每事占詩一首以紀榮遇且昭聖明初政對學嚮道如此使後之傳聞者有所誦說以對揚君父之盛美云其不書年月者歲歲有之辛卯臘月臣慎行頓首記

丙子二月初與經筵進講紀述

延英別殿倚平臺問道恭承步輦來講席平依丹地轉經函近對御筵開疑旒粹穆聞天語委佩從容列上台聖學方隆恩禮茂儒臣長此奉康哉

丙子七月初侍日講紀述

內殿雲深啟法筵隔屏初聽玉音宣官臣舉案趨宸幄閣相垂紳拱細旌壁影絲絲浮繡網畿頭字字指瑤編冰兢祗懼終無補未覺身依尺五天

丙子九月工部奏進萬曆制錢式樣賜講官六人各一錠

漢苑新成少府錢萬年寶曆赤文鐫青鳧出冶銅官奏黃紙題名玉署傳趙壺囊空留暫滿東方俸薄賜常偏五侯甲第虛成垆未擬儒臣受寵年丁丑三月上親灑宸翰大書責難陳善四字以賜

龍箋一幅日星光天誥昭垂自尚方久向橫經竊望蘊遺因納誨奉奎章
現函想見仙毫動蓬室驚聞御墨香儒術承恩逢景運非同常侍漫登牀

丁丑五月大旱雪禱上齋居御講頒賜素蔬一盒

雲漢憂歌歲事艱桑林皮禱聖心殫祈年不輟金華講減膳猶分玉箸殮
始見仙盤疑汎露却嘗寶餌是調蘭崇朝肯寸紆宸想霖雨應騰四野歎

戊寅正月上出內府畫冊命講官六人各題四幅分得宣廟御畫

二幅詩成奏上各賜銀葉一包

百年壁府護仙葩奉詔恭題府覽賒豈為丹青題日月欲憑翰墨發雲霞
叨榮乍捧銀為葉摘藻虛慙筆有花文學承恩逢盛典黃金買賦未應誇

戊寅正月上尚巾禮成群臣稱賀賜白金文綺

負屐年來海嶽安春朝緇憤始勝冠龍樓拂曙天顏近玉座垂旒日角寬
九廟神靈應已慰兩階環佩不勝欲邁臣幸奉青蒲對珍賜還看出上闌

戊寅正月進講賜大紅織成段衣一襲

講殿朝朝聖渥頻賜衣又見出楓宸織成共識金梭巧貢到初開錦樣新
色借官雲紅近日香浮仙佩暖宜春垂裳幸值軒唐理補袞無勞愧許身

元旦賜門神掛屏葫蘆等物歲以為常

節啓青陽歲籥新金人十二画為神韶華自台留天府御氣誰期洽近臣
綵勝仍分仙禁縷雲屏况借漢宮春却憐寂寞揚雄宅門巷恩光接紫宸

端午賜黃金艾葉銀書靈符等物歲以為常

芙蓉閣下玉書宣午日恩頒侍從前寶葉尤分仙島月靈符香綬御爐烟
歲時舊自荆人記風俗曾經漢史傳聞道宸游臨太液龍舟鳳管画樓邊

八月十七日萬壽聖節賜白金文幣及鏤金萬壽福祿篆字銀書

黃朱靈符等物歲以為常

華渚祥開禁籟天恩光每覺近臣偏函加白璧來天上錦散紅雲出日邊
裁就靈符華舜且鵠成寶画記堯年銜恩効祝慚無補金鑑先時獻御筵

十一月二十九日聖母萬壽聖節賜金幣鏤金篆字黃朱靈符等

物歲以為常

長樂凝和婺彩光侍臣沾祝聖恩長瓊琳内苑開銀甃雲錦天機隱御香
鳥跡呈書仙算永龍文祀瑞寶符黃朝來碧落簫韶度内殿親稱萬壽觴

冬至恭侍慶成大宴

南郊夜燎泰壇烟內殿朝開大慶筵兩陛衣冠承湛露千門鐘鼓震鈞天
親瞻玉几雲霄上久沈仙杯日月邊溫旨三傳咸已醉歡聲動地未央前
宴中三奉玉音初云官人酌酒再云斟滿三云飲乾

甲戌七月奏進穆廟寶錄賜白金文綺宴於南宮

納書金匱愧非才曾是先朝侍從來鶴列趨離閣松進龍衣立待石函開
濡毫每憶攀竚望珥筆新承賜錦廻大典已成鴻號永聖心南面尚含哀

賜函面川扇

九華綵扇貢巴東午日承思出漢宮雲影金泥黃帕解花開寶繪玉函空
擎來濯錦江頭月動處披香殿裏風自是君恩在懷袖惟將皎潔矢丹衷

賜鮮筍

殊錫光生玉笋班曾從青簡賦檀藥蒲筐乍解香盈座錦箨初分綠滿盤
一飯疑含仙禁雨三秋猶憶北窗寒慚無鳳實儀千仞祝有龍孫長萬竿

賜鮮藕

芙蓉別殿曉風涼玉井靈根出水香存熟方聞開寢廟賜鮮已見布朝堂
冰絲欲斷鮫人縷瓊液凝合閤苑霜憶昨金甃橋上望紅衣翠蓋滿銀塘

賜鮮枇杷

嘉名漢苑舊標奇北客由來自不知綠萼經春開籠日黃金滿樹入筐時
江南漫道珍盧橘西蜀休稱薦荔枝千里梯航來不易懷將餘核志恩私

賜鮮桃李

講罷傳宣殿左廂分將苞品燦盈筐官桃剖出丹霞冷仙李沉來碧玉香
方期瑤池人汗漫安仁金谷賦荒涼懷恩正恐虛秋實不羨春華吐豔陽

賜鮮鱒魚

六月鱒魚帶雪寒三千江路到長安
賜比群卿恩已重頒隨元老遇猶難
運回退食慚無補仙饌年年領大官

已卯春以病在告上疏乞歸值聖體違和旋即萬福再賜萬喜金

字白金文綺於私第拜恩

春朝華祝動仙班寂寞詞臣尚閉關
替符已奉期門送金帛還從臥閣頒
長使聖躬承昊朕歸山魂夢亦應閒

癸未甲申三厄聖駕上陵賜大紅織金曳撒帶等物

閣門五夜聽傳呼受賜先從左闕趨
續帶平懸金繫落盤囊斜掛錦襜褕

行隨豹尾陪天仗立傍螭吻火御爐却笑甘泉稱侍從不知原廟似今無

甲申春月扈從車駕奉兩宮聖母開定壽宮賜綵花文綺等物

崇興三駕碧山隈畢食欣傳福兆開地擁真圓連朔塞天留紫蓋作軒臺
兩宮共倚璇丘望萬乘親扶玉輦陪遙見黃門傳散綵紅雲朵朵下山來

丙戌廷試讀卷賜其文華西室近內監出陪例也

臨軒五度擢英才品第連朝直帝臺香案前頭文字進殿門西畔俎筵開
清班許從元公列曲宴傳教內監陪聖代得賢應有頌遭逢惟祝泰方來

丙戌秋月以皇次子生賜萬喜金字綵花金幣等物

西宮送喜到宸旒侍從恩隨禁苑優勝取雙枝花作采金鏤萬喜字當頭
他年茅土應藩漢此日珪璋早頌周共識昭陵多王氣年年春色滿龍樓

丙戌冬至南郊扈駕聖母軫念天樂特賜蘇杏仁一盒

黃門飛鞚到天壇傳道東朝賜講官祇為甘泉勞扈從特從溫室下盤滄
調蘭欲動先春色新桂渾消午夜寒慈念殷勤知有望慚無一字罄衷丹

丁亥二月奏進大明會典賜白金文綺宴於南宮仍給三代誥命

九朝謨烈玉書藏祖德宗功萬祀昌漢代不須條故事周家惟用考前王

頒恩內省溫綸降賜宴南宮廣樂張就裏儒臣稱放渥特煩三錫下龍章

戊子九月壽官隨駕步視寶城還於東廊稱賀玉音宣勞賜茶並

賚綵花文綺等物

朱樓絳闕冠層霞玉軟金支駐翠華元和帳中分御錦侍臣冠上珥官花

仙城步閱教隨駕別殿常參命賜茶可道龍顏多喜豫萬年福地屬皇家

已丑六月三品考滿荷蒙聖恩遣內使及門齋賜羊酒寶鈔

典禮南宮侍禁筵還因奏績荷恩偏卑尊特遣中涓賜楮幣親從少府傳

漫擬恩華同八座猶將名字厠群仙多慚袞職曾無補一卷牙籤十四年

辛卯九月乞休得請欽遣內使齋賜路費寶鈔次日又遣內侍齋

賜白金文綺益六卿日講各有特恩也

乞休十疏始抽絳勅使連朝出禁林備物卿臣元自厚殊榮講幄舊來深

初衣已卷天機錦歸橐猶函內殿金慚負宸慈何以報惟將丹展效餘歲

恭謁孝陵有述十二韻

聖迹開玄造神都奠舊疆基圖垂萬祀謀烈冠千王風雨鄧陵閉衣冠

廟藏霞標懸絳闕雲際拱雕梁勝地盤龍虎高丘下鳳凰重關陳豹旅

夏明威肅大方治成周六典法畫漢三章縹緲松楸路昭回日月光小臣
歌帝則繩武祝今皇

題忠順夫人画像四首

燕支山色點平蕪
燕燕山來愁上眉
一曲胡笳明月夜
邊聲又度小單于
邊城新舞柘枝降
得渾邪罷漢師
不道長安春色少
甘泉宮裏鬪關氏
天山獵罷雪漫漫
繡袂斜偎七寶鞍
半醉屠蘇雙頰冷
桃花一片帶春寒
蓮花寶鈿綠雲鬟
不脫襜褕款漢關
枉殺白登城下
画虜中原自有紅顏

夏日過二兄石淙別業同游洪範東流用韻四首

十里行歌路欲迷
石橋曲徑過龍溪
村翁底事爭相笑
驢背風吹白接羅
桃花落盡武陵溪
碧艸芊芊岸柳齊
洞口主人今不在
青山如画鳥空啼
谷口花深日欲低
水邊村落聽雞啼
晚山更自多佳氣
一帶寒烟暮雨西
窮主荒墳俯碧溪
夕陽艸樹冷凄凄
山前帶雨聲何急
流到雲前不向西

四月一日曹常侍園看花同馮用韞葛仲明二館丈賦四首

西城館館侍中家
別苑春深玉洞霞
一曲歌聲聽不散
隨風吹落小桃花

春紅盡向野亭開，萬綠輕陰鎖碧苔。獨有梨花能似雪，尊前半拂舞衣迴。
垂柳池邊見海棠，一枝寂寞倚殘粧。娉婷可奈移燈看，何處春愁不斷腸。
官霞半吐玉闌干，春色遲遲上牡丹。不是東風催未得天香，綽約不勝寒。

題張學士開雲館

芙蓉江館閉霏微，江面閒雲擁釣磯。春色不勝芳艸綠，萋萋長似待人歸。

馮尚書琦

琦字用韞，臨朐人。曾祖裕舉進士官至雲南副使，生四子皆有才名。惟健惟敏，惟訥惟重，相繼取科第，而惟重則尚書之祖也。尚書天姿瑰瑋，擗染家學中，萬曆丁丑進士，選翰林庶吉士，年才十九，繇編修歷官詹晉陟亞卿。年未四十，早入史館，肆志問學，誦讀講習，日有程要，尤究心歷聖典謨。洎先臣條奏講求有用之學，謂魏相條上漢故事，可爲師法，而奏議論事則陸宣公一人而已，供奉講筵十餘年，所陳說治本亂萌，明白敷暢，比古諷諫，東朝未建有詔，並封三王國論，沸騰尚書，取皇明祖訓一條正告，太倉太倉實主其議，亟上疏引罪，曰：臣實懼不考祖訓，左庶子馮琦，教臣也。其爲朝廷取重如此，自詹翰爲吏部侍郎，多建白軍國大事，請建儲止廢稅。

艸疏剴切天下誦之上將舉三慶典特拜禮部尚書三日而儀注畢具司設監以供帳闕乏請改期戶部輸餼四萬金未出都門便宜止之以界司設監遂得成禮不愆於素其能幹旋濟變皆此類也嘗有疏極論時政艸具未上易簣之前氣息支綴力疾刪定繕寫奏上以倣古人尸諫之誼遲明度疏入而後暝年四十有六謚文敏隆萬之間東阿于文定公博通端雅表儀詞垣臨朐於文定爲年家子繼入史館聲實相望臨朐早世未及爰立沒後五年而東阿始大拜一登政事堂未遲秉筆奄忽不起人之云亡君子於二公有深恫焉于有穀城集馮有北海集並行於世當時士大夫入史館者服習舊學猶以讀書汲古爲能事學有根柢詞知典要二公其卓然者也丙戌己丑館選最盛公安南充會稽標新鑒義一掃煩蕪之習而風氣則已變矣自時厥後詞林之學日就靡駸修飾枝葉者以肥皮厚肉相誇剝換而目者以牛鬼蛇神自喜東里西涯前輩臺閣之體于是不泯滅殆盡而氣運亦滔滔不可復反矣吾于近代館閣之文有名章徹者皆抑置而不錄錄于馮兩公集爲之三歎聊引其端如此

送張伯任都諫閣視固原

壯士常慷慨，懦夫多局促。男兒志萬里，取別無躑躅。念從去年秋，虜騎公南牧。關門日以開，胡行一何速。鼓聲鬱不發，將士併殺戮。莽莽洮河間，係虜相隨屬。朝爲漢邊民，暮爲胡地僕。生者長不歸，死者填谿谷。氛祲高踰隴，聲勢遠窺蜀。至尊日憂勞，臣子幸不辱。大臣親行邊，主將新分竹。比聞提書來，破虜河湟曲。貔貅氣始振，豺狼怒猶蓄。古來忌小勝，兵事多反覆。凱歌未盈耳，瘡痍尚在目。軍有三日糧，民無五月穀。中原疲轉輸，吾意憂心腹。天子命近臣，分道臨荒服。茲行實特簡，何以效芹曝。君看和親事，利害如轉轂。卽令邊費開，安知不爲福。要挾伐虜謀，犄角聯番族。朝議省牽制，文法罷羈束。匈奴斷右臂，漢將窺左足。豈無金城略，當如賈生哭。國耻猶未雪，長歌仍擊筑。

送鍾淑濂給諫閱視上谷

晨發青瑣闥，暮出居庸道。長風吹大漠，萬里白浩浩。維時上谷塞，未有匈奴擾。廟略屈群策，邊事稽三表。金繒歲出塞，玄黃日在皂。我寧求宛馬，虜遂厭吳縞。豈不練士卒，豈不築城堡。甲冑不禦寒，糒蘇難宿飽。尖丁及養馬，飲泣無昏曉。請觀郭西田，頗亦宜秔稻。幕府鋪如雲，私田跡如掃。胡雛

豈舅甥漢女爲妻嫂，嫁女與漢人不如與胡。奸胡人饒賜子，漢人色枯槁。
古來限華夷爲禁，若不蚤關西項，瀆洞朝議，思征討王，何久不出此事。難
艸艸蜂蠆亦有毒，長木無不標。漢過固不先虜情，信難保武，不有聲容邊
吏工文藻，群飛高刺大兩目，視衆易簡，書伊可畏，官事未易了。之子匡世
姿風采，實辨辨時來報明主，一一陳所抱，如有英雄人無使行間老。

壬辰書事贈別鍾淑濂張伯任

世事亦何常，慘舒遞相盪。今日非昨日，回首一惆悵。聖人久在宥，君子始
用壯。漫同賈生哭，實恃漢文量。日月豈不照，雷霆未敢抗。其日風塵昏，黃
雲自飛颺。侍臣盡改服，縱騎紛持杖。矯矯山陰公，尺牘還內廷。庭蓄留侯
策，帝厭王陵齎。赤舄將去國，白麻別命相。省垣及選部，一時盡屏放。就中
誰最賢，鍾張尤個儻。兩生驅幹小氣，欲排鬱嶂新從上。谷來胆落臨邊將，
豺狼盡已屏菴藿。誰敢傍古來直節士，大半投炎瘴。至尊多優容，忍使居
一障。視汝舌尚在，幸汝身無恙。莫忘國士遇，寧同庶人謗。所惜正士去，滯
朝氣凋喪從茲天。底馬靜立舍元仗，居然言路塞。兼虞禍機醜，傳言半疑
信。善意多觀望，稽首躡九廟。尚欲徵靈貺，固本苟不播。寧使臣言妄，譽子

非諍臣執經侍帷帳
吏隱頗方朔說慕袁盎
威顏尚不接肝膈終難諒
知無匡世資三山行將訪

世用索五十詩感時念別言詠斯章併寄直卿伯植

元化一何速汝年遂半百
余最小弱弟頭顱亦已白
身世忽欲老日月彌堪惜
往時塔下樹歷落數十尺
以茲生感歎豈更堪離析
憶昔入詞林及汝共朝夕
歡言如醇酒終不察藥石中
夜尚杯酌盛夏或租芻驚心
問疾病握手論干鬲一朝忽
分携萬事俱陳迹南浦送客
處儼然遽爲客性時我送人
衣冠竟長席今日君送我雙
騎長安陌昔如滿樹花萬點
臨塔赤今如一片葉萬里隨
流碧歡敢望當年別亦非曠
昔音極雖已遠往事頗歷歷
曾公陟官端王郎爲岡伯勳
業當及時努力相鞭策垂天
憶大鵬避風感六鵬出處不
同行意固各有適寄言鳳池
侶無羨林間翮

觀燈篇

帝搃千秋曆天開萬國歡
鶯花周正月燈火漢長安
正月旋璣正萬戶陽春布
天令新歲風光屬上元
中原物力方全盛五都萬
寶集燕臺航海梯山人貢
翅白環銀甕殊方至翡翠
明珠萬里來薄暮千門疑
瑞霧當

天片月流光彩十二樓蜃天不夜三千世界春如海萬歲山前望翠華九
光恁裏疑明霞六宮盡罷魚龍戲千炬爭開茵舊花六宮千炬紛相似星
橋直接銀河起赤帝真乘火德符玉皇端拱紅雲裏燈烟散入五侯家炊
金餅玉鬪騎蒼桂燼蘭膏九微火珠簾繡幌七香車長安少年喜賓客馳
騫東城復南陌百萬緇車不厭十千沽酒貧何惜夜凍縱酒復徵歌端
路曾無醉尉向六街明月吹笙管十里香風散綺羅綺羅笙管春如繡窮
簷部屋寒如舊誰家朝突靜無烟誰家夜色明於晝夜夜都城望月新年
年郡國告災頻願將聖主光明燭普照冰天桂海人

一古意

南爲鷓鴣北爲鸞削目下視烟光疑梁間燕雀何足問鵬雛不敢當風稜一
夜春風春艸綠縱化爲鳩猶帶目九霄翻鍛氣不折獨欵霜華向空谷炙
手自熬君自寒批鱗容易騎虎難山中猛虎猶自可江上短狐射殺我

結交行懷于毅山年伯兼訊侯將軍

嗚呼結交難結心無論廊廟及山林下里浮沉世事淺中朝出入人情深
二十年來與公厚倒屣傾筐無不有壺壺清談曲席前沉沉夜酌踈鍾後

有時聯騎游郊衢誰相從者苟與朱侯生亦自有俠骨酒酣擊缶歌鳴陽
遠從京華望丘壑迥如樊笈思家闕一朝容散長安邸千林萬點從風落
朱君負君死貴陽老將亦歸里齊魯天青兩少微並驅中原與公耳尚
書寫學士魚歲云暮矣公何如安得朝廷新事少漸看社稷舊人疎公別
長安能幾載故信心期復誰在里中何人與同調公近岱宗僕近海丈夫
豈必長垂紳姜公有筆如獲麟城邊黃石應知我海上青山不負人間余
山中何所有泊湖一曲竹十畝有山有水復有酒公能命駕一來否

燕然行

石鞞幽州斑斑邊城五月如秋寒渺渺平沙幾千里天風吹暗燕然山燕
然山下臨大虜旁有兩人相對語握手長歎泪如雨一人自言出門時牀
頭妻子牽衣啼桁上無襦釜無糜君今早出何時歸且復溫淚一慰之投
劍仰天自歎歎朝役鎮城南莫抵鎮城下聞說孤尖丁復道散吏馬已知
饑寒棄原野倉皇骨肉忍相舍一人欲語還攝嘴回頭看有行人無一從
互市不備胡但備將軍營內呼營內呼何時已君亦大從容復欲念妻子
奔走無小休何暇問生死中夜歸來且自喜寧知明日復爾爾丈夫生死

會有時恨不一死野胡塹
合卒有語難具陳不敢久立
嘗通津夜來同望
關山月應照關前酒淚人

送見素業師南還二首

灞水遙傷別燕山獨逆行
彈珠元自誤抱玉竟誰明
撫已虛疑夢逢人怯
問名報書稀不到
落落望神京
別離無復道天地意如何
愁入征雲暮心驚飛鳥過
憂來千慮少歸去一身多
行止皆無策相寬一放歌

秋夜

天宇澄秋序涼風夜色微
爲憐明月好不掩白雲
屏遠火孤村徑鄰燈寒
女機砧聲欲愁絕幾處賦無衣

送操江張中丞二首

幕府前旌去王程後命催
六師同擊楫千隊肅銜枚
練甲含江動弼戈挽
日回莫將今日事更待異時才
地重能相借時危敢自安
不辭良會少漸覺盛名難
對月論肝胆臨風惜
羽翰由來贈策意非是爲彈冠

立秋前一日載酒過懋忠

今日良宴會情深更起愁
追歡還卜夜戀別不禁秋
螢火含風冷燈花近
兩收休言尊酒盡歸及細君謀

送懋忠使秦

相知苦不早相送已沾襟
雨後初秋色燈前欲別心
青山經洛遠紫氣入關深
良會知何日瑤華好嗣音

送周尚寶以寧夏事謫潮陽尉

鷄肋官仍薄羊腸路轉難
可憐秦逐客更遠楚江干
事去空談劍憂來盡指冠
潮陽碑尚在寂寞待君看

送楊楚亭太史王柱山侍御外轉閩蜀藩臬

分袂俱千里同袍尚幾人
非關勞侍從詎合走風塵
天盡刀州路雪迷劍水津
莫辭今夕醉猶對漢宮春

除夕

報國當何日辭家又一年
薄游寧足問微向久茫然萬事古
人後孤燈新歲前明朝開左个假寐待朝天

聞學夏邊報二首

未戰先行賞君恩信是多
何時誅僕固終日憶廉頗
朝士空持犢人自枕戈爭
傳萬里外有詔下西河
欲問盈庭議惟當決朕才
願呼驃騎將早破赫連臺
四野胡茄合孤城羌笛
哀夜深驚起坐曾否驛書來

讀楊太宰詩有感二首

近得尚書信殷勤問聖躬
愧爲香案吏未覲建章宮
寤寐思明主安危寄
令公皇儲何日定應待采芝翁
拙宦終無補浮榮空自憐
承明難謁帝中夜苦憂天
受賞何顏色蒙恩憶
歲年將辭燕市月婦向汶陽田

觀暨侍中圖

常侍菟裘地停車試一過
艸婁幽砌冷雲白遠山多
過午移花影因風聽
鳥歌小塘春水滿猶是舊思波
統兒怨戲東敬承五首

昨日開金屋君恩別處新
難將織錦意去比浣紗人
只自憐中婦誰當念

下陳嫁郎何太早不敢怨前薪
 今夕是何夕雙星已渡河人間悲織素天上悵停梭春色簾櫳隔秋風枕
 席多恐君疑妾妬未敢問修蛾
 見說新人好君心豈舊歡離愁隨月滿信誓近秋寒兼素寧堪問茗華半
 已殘粧成郎未起寂與鏡中看
 故劍誰相問前魚祗自悲轉因辭籠日私憶合歡時隔牖歌桃葉因風泣
 柳枝啼痕還自掩羞遣侍兒知
 不寐驚秋早無言坐夜分已拚成棄妾未忍便忘君形影窗前月悲歌夢
 裏雲如能念啼首看取舊湘裙

壽于宗伯毅峰先生

南省卿雲近紫微明光曉奏勸宵衣自從劍佩歸滄海不見鸞輿出禁闈
 一曲春湖明主賜十年芳艸故人違莫教綺季山中老且為皇儲定是非

題三娘子画像三首

疆毳春暖鎖芙蓉
 孕羨胡姬拜漢封
 鏡膝錦翻珠勒馬
 當胸寶抹繡盤龍
 塞北佳人亦自饒
 白題胡舞為誰嬌
 青霜已盡邊城艸
 一片梨花冷不銷

紅粧一隊陰山下，亂點駝酥醉朔野。塞外爭傳娘子軍，邊頭不收烏孫馬。

七夕四首

銀漢清秋萬里遙，月開粧鏡桂雲消。可憐精衛空填海，不及天孫鵲駕橋。
天空露下夜如何，漫道雙星已渡河。見說人間方恤緯，可知天上欲停梭。
一水盈盈會轉稀，敢從天漢問支機。彈冠吾欲趨朝省，聞道君王已曝衣。
月明秋淡曙河微，脉脉新愁理舊機。爲問七襄何日就，西征吾欲賦無衣。

送公孝與下第東歸三首

萬里蒼烟海氣通，欲從何處望東蒙。斜風細雨長安道，賴得公攜是醉中。
素衣不禁帝京塵，出郭看春已暮春。我自倦游君未遇，楊花如雪送歸人。
南浦春波照酒卮，謾將離恨託前期。如何命駕能千里，不爲臨歧住少時。

沈少師一貫

一貫字肩吾，鄆縣人。隆慶戊辰進士，選翰林庶吉士，授編修。萬曆二十二年，以禮部尚書入直東閣，累加少師。左柱國中樞殿三十四年，致仕卒。謚文定。少師在史館，不肯依附江陵志節，耿介聞於中朝。歷官詹事府有舉處在政地，日當儲位危疑，稅使四出，疏揚陳請，敷陳剴切。天子以爲忠勳。

春倚彌切與宋州同輔政而門戶角立矻矻不相下妖書之獄宋州及鄆
江夏懂而得免人謂少師有意齟齬之海內清流爭相指摘黨論紛呶從
此牢不可破維蜀之爭遂與國家相終始良可爲三歎也少師爲嘉則之
從子其於詩學有所指授風華詞藻與嘉則略相似戊辰史館大拜者七
人以詞章擅名者東阿鄆縣爲最東阿之學殖優于鄆縣鄆縣之才筆秀
于東阿若夫相業國是具在國史別論可也

白頭吟

鬼絲附青松高絲亦長何意秋風來委蔓隨飛霜海行無信風春行無
信時瑤軫曾誤人勿復欺新知事君以紅顏欺我以白頭有夫其令客客
心不可柔

朱顏曲

朱顏非自換良爲篋鏡欺篋鏡終不發朱顏終不移歌罷月在梁影落蘭
干垂感君明月心不棄秋風安猶記覆耳髮挂君鬢纓長宛轉結不解煩
君立移時

寄贈俞士行淮上治漕

葡萄邸前春雨多，典客館下牽六駟。將軍抱持貔虎略，且與羆冠爭水波。
江河之決雖天事，支祈安得稱非崇。飲飛劍出江水渾，浪拍芙蓉茜花紅。
西來一線垂青天，天下軍輪集似烟。朝廷盡食司空力，大農歲省鹽官錢。
淮陰方知治粟尉，高壇何日飛旌旃。

四明山歌

我昔長歌天姥吟，今來飛越江之深。烟波浩蕩都在眼，蒼屋白鹿紛可尋。
游足未開意已窘，片雲隱約前村盡。適來縱入丹山赤水之洞天，果爾三
百八十芙蓉之峰相鈎連。沸如巨浪排九淵，渴臥饑鱷崩前驚魂褫魄。
悸不定乃知世間安得無神仙，際天但有淺黛色。到頂猶窮羽人翼，謝公
萬夫鑿不得，支道欲度空歎息。黃熊近人白虎怒，杜鵬半染松花碧。青鞵
屢穿幾悔來，眼前可卽仍徘徊。俄聞竹間響茶臼，寺門正對雙眉開。艸根
敲冰持篠釜，緘陰近送靈秋雨。到綱臺榭收紫綉，王交濕布懸青組。二韭
三菁宛可拾，東島西兔紛來舞。篆烟雕霧無時休，一雙白鶴飛何苦。吁嗟
平劉郎誤入青山圍，不是忘歸不得歸。辟荔滿牆皆可衣，胡麻滿谷何愁
饑。赤雲層層圍白日，任他渡口桃花飛。百年三萬六千日，古今賢聖皆永

畢何爲容易別青山空教青山笑不還誅茅結屋弄流水溪雲與我長潺湲

送客還山

新荷夜捲梨花雨青山倒浸琵琶渚新裁荷服雅稱身著入池中不知所
林頭黃石讀已盡尚餘一卷金仙語施之人間無所用挾向松林避煩暑
林月中出遲漁郎嶺上茶生期姪女鄉音啞啞可憐生賤却清官激梁楚

送顧將軍之貴州

漢皇昔事西南夷蕭然兵甲開羅施至今殺氣滿岷谷苦霧四塞陰風吹
十日九日不見日見日猶應朝飯畢鬼心鬼面相持爭跳險緣危如鳥疾
將軍有手能接孫臏問鸚鵡聲嗷嗷三年伐盡邛山竹蜀賈四出聲名高
懸知眼中無若曹

老鷄行

相州浮圖滅素雲佛徒四散靈光分有狐綏綏窟其頂據危布巧張屠軍
公然出入索祭養移精屋底驚欵裙幾村月下捲眠席驅桃鞭棘喧相聞
平原公子攬游騎意氣西來照天地翩翩從者五陵豪手指青松暫留戀

聞茲肝腸裂秋色虎豹縱橫誰耐得回看襟上老愁胡好去清霜試風力
愁胡整束儘從容竦身三躍生剛風老狐負嶠正眼空老鷹深目復自雄
不期側翅偶失便霜毛醉舞桃花紅道旁觀者色如土公子生蒙龐西趾
難忘一戰雪曹柯詎惜千金求郭隗詰朝載取老鷄來金眸鐵脰非凡才
一跪四天聲齟齬愁雲慘淡爲之開心知敵手不易推交綏便作旋風回
長鳴飄然向空去狂魁笑破呼鷹臺不堪一辱還再辱三斷金鞭仰天哭
江花片片自飛來江鳥不飛皆掩目忍聞群鴉遠相輪如泣如吊聲信宿
老狐失驚小狐哭迷離欲爲無荒榛未解天公意向者萬人欲去仍旋馬
東方一道如飛龍無數奇毛蔽天下橫排鸞鶴吹成栗殺聲欲震長平瓦
捷翮當前索狐戰群握飛沙爭撲面風塵入眼青天昏霹靂一聲滄海變
自餘小怪無煩誅攢頭亂啄充朝脯但聞腥風萬縷汗道腸儘足餐饑鳥
心感主人再三呼激烈綢繆當報珠吾觀此鷄智勇俱不數博浪沙中劍
似曾親受黃公符吁嗟鳥中之丈夫烏有丈夫人則無

楊柳歌

青門楊柳一萬株抽條布枝待馬蹄柳枝日夜能高低馬蹄日夜能東西

君教繫馬上林樹柳枝減沒春風蹊

君房樓玄館

蒼蘆曉汎東風寒青蘿夜入紫紉軒鴉啼咽相喚去印破西池碧玉痕
樓玄主人貪晏起片陰忽墮江城午吾知挑花終不言何用欣欣解人語

日出入金門行

昨暮日入我當出今朝日出我當入日出入今無停輪我甫孤征向人急
麟麟雙履翻數千天街磨成寶鏡鮮念欲且息不得息兩背掖我高于肩
汝饑不能倚我飽汝亦劬勞堪自保世間到處有羊腸何必啼嗟歌蜀道
當時已恨隔重關不道重關尚有門玉皇高拱蓬萊殿一水盈盈碧海湄

觀選淑女

長安女兒巧何人手持紈扇窺芳塵姊妹相私擇佳麗無過願得金吾倂
如何天闕覓好逑翻成凌亂奔榛丘吏符登門如索仇斧柱破壁怒不休
父母長跪兄嫂哭願奉千金從吏贖紛紛寶馬與香車道旁灑淚成長渠
人間天上隔星漢天上豈是神仙居吁嗟天上豈是神仙居

怨歌行

妾心如秋月皎如出機練若心似春雲斷續斯須變望夫石上天欲陰妬
女津前波浪深空雕碧玉爲如意浪結文綃作繫心當時陽臺雲復雨化
作秋風淚和土迎來乍欣白日低背去安如玉筋啼

採蓮詠

鏡中美人明月光瓊肌玉腕相芬芳凌波而往素素裝桃李不敢誇朝陽
採蓮歸來遊採菱短潮逆嬌不勝牽浮拉沈亦自稔槎牙四角生寒水
南山桂花飛上層

邯鄲詞

妾家在趙十二達夫垆游燕忽若遺狂如揚柳飛春絮拙比班鳩守故枝
兒時只念嫁人好嫁得春風還自老春風飛揚大道旁不惜高樓繡紋巧
絳脂無力淚長流白蠟能乾香暗收鳴鳩殿勤相對語知誰喚晴誰喚雨

楚宮詞

可憐楚宮人空抱長饑老楊妃齒語玉魚鮮術娘髮薄金鸞小不逢一日
春風吹何似村中春元好唯難爲鳳凰舞衣深空灑霓裳雨悔不早嫁
前村兒綵索牽牛打村鼓

送客躋黃山

萬壑擁空岑孤峰下夕陰馬歸松影没人靜月華深黃帝去已遠白雲留
至今鳴琴幽澗底獨夜老龍吟

望新橋田家

海氣日蒸天居人亦自憐深春千嶂雨瘠土一刀田官稅無高下農時快
歲年于戈今告罷漸有幾家烟

送人之雷州

屢放去猶賒居教牛離華山藏柳千樹溪落南甯花望月應千嶂鏡天自
一輝微官是何物秋雨送征車

若士

何來稱若士汎汎起清風詩卷留西派禪心近北宗花明丹似女松老禿
如翁前月天台去辛勤折數節

本軍旅蜀中用兵後和二首

夔子當年國明妃此夕村温泉通海窟石壁鎮江門野哭知誰氏年饑守
故原啼鳥聲未歇猶和斷腸猿

西望岷爲雪南窺楚作雲
酪奴堪自老葆旅不成群
叢淺垂休織田汗島
罷耘山川厭腥氣流水濯巴文

登金山寺

寶界疑三島瑯臺絕四鄉
江心懸法鏡渡口出慈航
塔鎮龍王藏龜依雁
子堂瞰濤銷画彩隱岫濕爐香
夜榜投僧火春航引佛光
已聞湖是梵寧
打歷爲梁呢食靈龜
吾許心老拈涼
望來
焚香
歌罷
湖天
杳
雲
愛
中
冷
水兼依大法王誓當滌塵袂高臥片雲長

望西城官殿

冀殿重開寶曆春
竹宮長鎖屬車塵
烟霞自護祈年閣
星斗曾傳醮夜辰
帳裏流蘇開甲乙
爐中寒火憶庚申
茂陵松柏蕭蕭老
無復相如賦大人

鴻門

鉅鹿全軍勢若雷
鴻門單騎亦危哉
玉光三動秋風急
劍氣中分昨夜來
壯士何人猶解飲
英雄誰說不勝杯
蛟龍五彩天方授
虎豹九關空自開

禁中對雨

回風度雨近金鑾
高閣涼簾隱几看
乳燕營巢欣土潤
綉鸞擲柳怯枝寒

泝流欲染方春色拂座應憐獨冷官目送餘雲過別殿不知銀鑰動關干
訪朱邦肅不值

馬蹄無力過重關策蹇前來問隱淪池水已冰難受月梅花隔嶺不知春
柴門倒鎖應高臥艸閣斜開豈避人酒禁近來尤甚緊從誰顛創性情真
若耶溪獨往

編竹爲船任所之高低白石上灘遲水波不待春生後山色偏多雪霽時
到處溪邊憐謝客誰家村裏問西施小橋野店人爭席縹緲松烟入午炊

汚南

曾向齊門歌二桃因從帝子說三刀兩朝涕泣吹餘燼五月踰跟渡不毛
禹足已知天意定江心猶隱陣雲高汚南祠廟終今古蛇虎縱橫護六朝
對月憶家園

月如銀鏡好當臺酒與金波一色開乍似水南清磬發疑天末故人來
花間香露蜂堪釀雨後閒雲燕欲回蘆筍正生梅子熟小池連夜長蕪背

送余侍御貶荊門州

漠漠揚花送馬蹄春風萬里盡堪悲浮雲忽變清和節平楚遙迷買酒祠

吳日霜雕猶避擊明時市虎不須疑郢門流水終朝游且共交游殺酒危

吳苑

破楚門西古墓田斷崖危石寫流泉人歌茂苑春風曲僧拾吳宮夜雨烟
盡日波濤千里棹匝溪墟市萬家烟丹楓翠竹同搖落最是生公石可憐

觀宮人殯

辭秋何時捲合歡朱絲無語問青鸞三秋落葉宮中恨一日殘花道左看
素旆秋風金埒曉珠襦夜雨玉鈎寒多情女伴休垂涕未死深閨欲出難

忽夢游仙

澤國秋容下鷺湍流風颺雪舞江干波生翠羽靈妃濕露滿冰蠶帝子寒
萬頃芙蓉愁外老一天葭葦夢中看憑誰托付西飛翼高處瑤池也不難

楊王孫

王孫家近樂游原一食纔須十萬錢不管北邙山下路白楊寒雨宿深烟

蹴鞠

小桃微雨夜來香朝入雞坊暮狗坊無賴楊花偏解妬團風先占打毬場
仲冬十八日抵山東尚未冰雪遙憶閨中代作寄遠

雙眉不掃鏡心空
鎮日開窗候北風
聞道征衣猶未薄
晚鐘斜月過山東

代青樓觀內家粧

主恩揮涕濕朝霞
搖落西風素奈花
猶記綠鬟初覆額
相將女伴選良家

哭句章公

從此斯文失主盟
海鷗飛去不留情
可憐標社長橋月
曾照詩翁散髮行

鬪思二首

雙花初巧照人空
妝罷臨軒數落紅
不得東風花不發
花飛猶自怨東風
妾自傷心怨月低
黃昏何事亦嬌啼
不禁含妬將丸打
定有東風暗向西

葉少師向高

向高字道卿福清人萬曆癸未進士選翰林庶吉士授編修歷官坊局南
京吏部侍郎丁未六月召為禮部尚書直東閣在政地八年以少傅予告
恭昌元年再召天啟四年以少師中樞殿致仕崇禎元年卒于家謚文忠
公為人疏通明敏小心恭順受 神廟特眷當官府睽隔黨論紛呶之日
以調停劑和為能事敗請藩封調護國本應機圖而見事捷不動聲色使
入主信而從之再起則拯人為政群小開通能以智免善其進退公去而

國事並不可為矣公與江夏郭美命同館以文章互相推許皆有集行世
公詩文信筆翰寫長於賦酬流俗而美命酒莽自運敢於評量古人截長
補短則亦魯衛之政也

題方正學先生祠堂

燕歌一夜滿都城大內呆恩火徹明無復看書延侍講仍傳天語勞先生
兩朝事往君恩在十族刑銷詔如成爲問精靈何處是雨花空畔子規聲

歌風臺

泗水亭邊御輦過只今人說漢山河風雲自護興王地父老爭傳擊筑歌
酒散夕陽官樹冷臺臨春畔野花多最憐楚舞情愁絕道恨千秋尚不磨

林宗伯見示春曹卽事詩依韻奉答

綸扉直入幾星霜此地相傳有病坊唐人以秘書監爲宰相病坊又宋人
朝王題云兼說調元地翻爲病坊
中使頻來催擬旨門官隨到報升堂虛言政事歸三府但見文書列兩房
內閣有制勅
房勅兩房 晝漏已沉初下直看移日影下官牆

附宗伯原詩

林堯俞字咨伯莆田人萬曆己丑進士縣原吉士官至禮部尚書好學東

修雅負物望有詩集二十卷

一別都門十六霜重來人識老春坊詞林舊例呼前輩蘭省新銜進左堂
未覽文移先画押纔傳雲板便歸房綠陰清晝支願坐時見流鶯出苑牆

呂侍郎坤

坤字叔簡寧陵人萬曆甲戌進士官至刑部左侍郎侍郎啟歷中外所至
有聲跡講求經濟實學皆可施行萬曆中鄭貴妃方擅寵撰女誠一書以
明德馬后為首侍郎序而刻之坐此為朝論所譁不得大用君子惜之生
平不求工聲律新樂府數章記載時事有古人諷諭之風

新庄行

長清六月纔禾黍大家小家愁無雨艸根挑盡木如冬又見探雛啖野鼠
沙中稚子哭欲絕阿爺臥路不能語三年長俄一息在那復餘情念兒女
破屋一更搗榆皮我問搗之欲何為土性多沉穢性浮榆末和之可為糜
極知強活能幾時暫於腸胃勉撐持妻子填壑老我存死者長樂生者饑
慟哭無聲但有淚瘦骨令人摧肝脾道旁一廟有神坐黃金為身受香火

豫國士

身可漆炭可吞啞病何足辭難酬國士恩君頭爲飲器安用我頭存橋下
廁中誰在此義士甘心趙襲子君不見東隣再嫁妻能爲後夫死

李尚書三才

三才字道甫臨潼人萬曆甲戌進士少負志節與南樂魏允貞長垣李化龍以名世相期許允貞爲郎抗論時相不當以甲第私其子蹈江陵覆轍切責左官道甫以戶部郎論收亦諱外自比韓琦許慎爲提學御史以僉都御史總督漕運加戶部尚書萬曆中中人出筦礦稅橫行恣睢陳奏在淮尤無狀道甫悉心力與之楮拄家在畿南不乏與援道甫半籠駕馭權譎縱橫神廟用其言撤奉東南胥得安枕功高望重頗見汰邑時論以外倭直內閣如祖宗故事意在推戴道甫黨人乘其間文章論劾道甫盛氣陳辯不自引去頗憲成自林居貽書閣部力爲洗雪於是言者又乘間并攻東林物議糾纏大獄旁午飛章鈞黨傾動朝野從此南北黨論不可復解而門戶之禍移之國家矣東事亟經略乏人中朝復思其才以戶部尚書起用未上而卒道甫所與同志者憲成爲東林黨魁稱爲名臣允貞撫晉有聲其子廣微以附奄噴其家聲化龍用泊河平播功晉至官保以

功名終化龍字于田有詩集行世詩名在道甫之上醜厚肥膈沿襲嘉靖
流波七言今體深爲胡應麟所重而余采詩獨取道甫登道甫所以微于
田也

秋夜宿直

十載猶郎暑蹉跎少年涼風迴樹秒白露下庭前漏度三更雨燈殘五
夜烟由來飛動意回首欲茫然

呂梁遇仲文留飲志別

潦倒從吾好飄零見汝心顏無別後改文比向來深船壓魚龍夜星稀鳥
鵲林人情驚反覆腸斷白頭吟

初至金陵酬李吏部于田

飄泊愁誰語艱難喜爾同客心秋艸外世事酒杯中野色侵船黑江波滌
曉空相看無限淚不是泣途窮

初至金陵魏懋忠李于田見過留飲

春風灑涕別長安此地開樽強笑歡縱得故人分客恨更教短飲對誰彈
秦淮日夜愁中急漢關峻嶒夢裏看聞道荆門新接戰鄉雲邊月共憑闌

送諸博士壽賢量移過里兼懶頤叔時兄弟時方有洮岷之警

秦關西望壯心驚風雪梁園送汝行漢帝有恩前買席書生何計請終纒
金縢歲月翻挑虜宵旰朝廷已論兵若到江南途二顧安危萬里想同情

少師孫文正公承宗

公諱承宗字稚繩高陽人萬曆甲辰進士廷試唱名第二除翰林院編修
歷官坊局以禮部侍郎掌詹事府天啟二年拜兵部尚書入正四開兼理
部事奉命督師出鎮山海凡四年予告歸里崇禎二年起鎮通州旋移鎮
關門又三年復予告歸歸七年而有閩門殉國之事年七十有六公鐵面
劍眉鬚戟張聲如鼓鐘殷動墻壁方嚴果毅疑如斷山開誠坦中譁笑
風發望而知其為偉人長德年三十餘為舉子仗劍游塞下歷亭障窮阨
蹇訪問老將退卒通知邊事要害凡史官在禁近者皆媿媿媿俯躬低
聲涵養相體謂之女兒官公獨不然講筵獻替務為激切剴直以聳動人
主講罷有軍國大事大瑜傳語問難閣臣相顧失色公拂衣奮袖矯尾厲
角指畫其是非可否中人各有所挾持無以奪也東事日亟舉朝請以東
事累公遂用是大拜單車行邊破七里築城之議遂自請視師天子御門

歸送詔書鄭重以漢葛亮唐裴度爲比出鎮之初關門三十里外拆城不
設經營四年開地四百里徙募踰七百里樓船鐵騎東巡至醫無間將與
師大舉禡牙有日於遊奄竊枋畏公與晉陽之甲垂成而告罷已已再起
朝受詔而夕引道更便門之役以十八騎橫穿萬壘抵危關收悍將手復
遵承四城以安畿輔先帝深知公能辦東事公亦謝絕款議以恢復爲已
任群小居中用事掣其肘絆其足然後噪而逐之上亦弗能自主也高陽
失守入城南老管中用葦席藉地望闕叩頭叱持綬者趣縊我乃絕于孫
凡十九人皆力戰從死事聞先帝震悼薛國觀猶斬其卹典弗肯予久之
用弘光詔書追贈太傅定謚曰文正先後出鎮事跡詳在定典鹿善繼兩
督師記略及謙益所譔行狀統在國史公生長北方游學都下鍾惺峒藪
斗之氣負燕趙悲歌之節作爲文章伸紙屬筆蛟龍屈蟠江河競注奏疏
書檄搖筆數千言瀕滿演延赫下書記多鴻生魁士莫得而窺其涯涘也
爲詩不問聲病不事粉澤卓犖沈塞元氣鬱盤說者以爲高陽之詩信矣
公文集一百卷兵火之後茗上茅元儀往吊得之頽垣敗屋中南司馬范
景文刻之金陵削剗甫竟以乙酉之兵燬焉謙益之舉南官也公爲考官

門牆之附庸衣鉢之付囑出於尋常舉主門生不啻百倍今老且廢矣媿無以見公地下錄遺詩而存之何足以道後死之責哉

賜紹紀事用福清少師韻二首

溫綸初下隰全消百萬同看帝賜貂鸞鞞陣成青海岬鸞鶴行對紫宸朝
華顛老盡堯璽重甲首讓勝塞馬騶拜罷明恩還手額不知何意借滌
蓬嚮龍亭叩帝閣威儀爭識漢官尊有車差可驚西虜非準應惠壯北門
天覆華夷渾布煖春回頂踵盡知恩年來將士無譁久爲感絲綸竟日喧

二月聞雁三首

九月邊庭無雁來關門不逐雁門開春來塞上希矰繳花信風前一一回
數聲嘹唳渡淪關盡罷虛弦落照間却訝征鴻偏有膽又隨春信到天山
孤鴻幾日過長安拖得春旗露未乾應說邊庭花信早征衣初擬褪春寒

餅花

高牙風峭數枝寒杏蕊新香春未闌却憶韋家花樹會關城初向一餅看
同間開府浮檀鹿職方乾岳沈職方彥威杜武庫培亭孫司廳初
陽袁山石自如劉關內如綸萬廣寧同于洎三大將軍馬洽淵王

敬之尤定字出寧遠眺首山諸雄要馬上用程慕韻

真箇家居好織兒自不關邊尋遺父老一指舊江山野寺無僧住空城有
易送潮回應寂寞胡騎下屏顏

春懷六首

石門南畔直廬窩
襖窳紛稱蠶幕多
一柱天祭看白塔
兩庭山界擁紅螺
平蕪塵向巢車上
小隊風隨探騎過
辛苦行邊王少傅
暮年撫市衛邊河
邊城燈火淨胡笳
擐甲誰堪問室家
南北汎頭重夾砦
東西河口對浮槎
霜凋木葉清威遠
日壓扶桑暎覺華
却羨庭松饒古意
亂枝不下暮棲鴉
穿廬東徙海波平
大壑魚龍臥不驚
縣古湯泉迷舊壘
臺高望海控新旌
鮮花萬寇歌三月
寶氣千山到五城
何日三韓烽燧息
却從徐福問長生
獵火千群向曉紅
凌河水泮未全通
曩龜有意撥靈武
風鶴無人呼八公
屬國猶弓彎漢月
上林鴻帛繫秋風
如山飛輓填遼海
并軸誰憐笑大東
一劍三年萬里心
天涯芳艸又駸駸
壁圖畫按車攻壘
朝鼓宵傳奏凱音
款市黃金騰戰馬
放衙白髮擁書蠅
春來絕塞寒仍苦
烽火征衣半不禁
呼嘯頻頻扣大庭
漢臣應笑次公醜
襟被海色黏天碧
旆披山容插地青

萬頃冰花凝曉月，半泓雪葉護殘星。椒盤脰有家園酒，簫鼓那堪塞上聽。
慕容云：日爲鶯鶯節，懷然有作。

誰負旋乾手，當春起蛰蟲。魚龍驚寂寞，天地喜昭融。墮戶身方遠，昂霄意已雄。俗聲誰與破，予欲問豐隆。

中右所不寐

滿城鈴柝夜如何，檐馬西風攪夢多。白髮蕭蕭人不寐，半窗新月照沙河。

壯歌亭

画角聲中放早牙，弓開弦月劍霜花。最憐怒臂岑牟吏，特試漁陽第一槌。

砲忠樓

縹緲憑高百尺頭，筭邊何暇坐銷憂。目窮江樹家千里，笛倚風櫓月一鉤。

藻井幕天開雁陣，鬚雲結市失龍湫。白山黑水簷櫺外，五帳蕭蕭萬壘秋。

閱中右所鹽場

牙旌西駐小沙河，結隊爭看碧玉珂。萬竈晴烟雲自滅，六花雄陣雪初多。

作鹽漫笑和羹手，拊髀誰揮指日戈。匹馬長鳴應有意，健兒新挽武剛過。

閱弓箭手二首

三年又見柳依依細柳管中刻柳啼却喜丹臺新燕子學成白羽水平飛
三千新練射鵰兒霹靂聲中駿馬嘶不信虛弦驚孽鳥雙鵬那敢過遼西

中石城得魏道冲信

關山秋盡雁隨陽雁去人間不下堂絕塞鴞弓空抱月孤城画角自吹霜
青天欲問雲霄遠白髮還驚歲月長漫說安危渾注意可從國手試温涼

趙尚書南星

南星字夢白高邑人萬曆甲戌進士釋褐爲汝寧府推官遷戶部郎用清
望推擇爲吏部歷考功郎中癸巳內計京朝官佐其長孫恭簡公扶正抑
邪盡黜當路之私人執政恨之奉嚴譴削籍里居三十年天啟初以列卿
起廢拜吏部尚書坐忤逆奄切責罷歸遭成大同先帝卽位未及召用卒
于戍所賜謚忠毅夢白公忠強直負意氣重然諾有燕趙節俠悲歌慷慨
之風鄉里後門依附門下已而奔趨權利相背負酒後耳熱戟手唾罵更
爲長歌小詞庾語吳歌打棗竿之類以戲侮之其人啣之次骨夢白不知
也南樂魏允貞以節義相期許允貞之子廣徵婚奄大拜倨傲侵蹙凌厲
朝士公獨以故人稚子遇之垂手側坐無所加禮又每詫人曰見泉無子

見泉者久貞之自號也廣微恨甚起楊漣之獄必欲殺公廣微逐且死乃得免而公在戍所賦詩飲酒唾罵笑傲一如其平時不以謫居長禍少有貶損人謂寇萊公蘇子瞻無以過也夢白抗議墜節身為部黨之冠人以爲門庭高峻不可梯接不知其通輕俠縱詩酒居然才人俠士文章意氣之偉也爲詩厭薄七子刻意濯磨而步趨北地不能出其窠臼爲文滔滔莽莽輪寫塊壘而起伏頓挫不能稟合千古法要其雄健磊落奔軼絕塵北方之學者未能或之先也夢白常屬余定其詩文且以不朽爲託余雖未及誌其墓而嘗徇其門人之請再訂其集頗有所刪改嘗有知而傳之者

秋胡行二首

大愚乃精涸涸可自持大愚乃精涸涸可自持運化推斥智力難施舉世爲械觸之則危美而無當何貴玉卮歌以言志涸涸可自持
上古無酒英雄立以枯上古無酒英雄立以枯欲從王喬玄鶴長徂負石蹈海歸哉淺夫蕩滌情志易盡者驅歌以言志無酒英雄枯

獨漉篇

獨流獨澁波騰魚伏欲起波騰不已翩翩孤鴻徘徊雲漢我欲折蘆
爲子周思遠望長林林木有枝容子無言中心則悲千將續澀時時自鳴
宵練在草過者不驚猛虎入邑其糧以人勁怒雲藏請之鬼神

短歌行

天冠地周時不我留少壯易老胡爲多憂有客盈堂有酒盈觴鏗鍾考鼓
聊爲滯荒中區迫隘令我心側白雲在天安得羽翼功名有數樂當及時
齒髮一暮雖悔莫追愁令霜鬢怒感山傾不如飲酒可以樂生維山有阿
維河有潯嗟今之人誰知我心

市虎行

市中有虎白日食人羣狼從之往來怵怵有萬斯家救命手段勁弩不射
深藏潛哭父母謂虎人性至貴胡忍噬夷以充腹目虎謂父母匪人弗甘
爾視則人我視則豺父老震恐聞入公府節諸大夫活此蓋豎大夫曰嘆
爾食無知吾方閉門何救爾爲父老聞言涕泗滂沱有庠奚罪天也則那

古意二首

錦織雙鸞勢還自裁爲衣恐入他人手不解惜公飛

練練松月明
泫泫花露墜
人道是露水儂
道婦娥淚

子夜歌

美人着新裙
細步不聞聲
風來感芭蕉
絳綵使耶驚

灌園

淳古逝不還
俗士羞田畝
衣食生君臣
忠孝復何有
林居易成懶
素餐畏我友
灌園匪自今
緬懷漢陰叟
輒耨揚清音
采漿出井口
澆澗下石林
浸我葵與韭
儵然自怡悅
嘉蔬日以茂
答言賞心人
小摘共杯酒

述懷

人生苦繁憂
能哭不能歌
歌既非人情
哭亦將如何
造化浩無心
勞結徒自多
從君斷腸盡
安得神爲呵
愚蒙乃近遠
顛顛了無它
萬事木如此
匪云焚其和
酒亦不必飲
澗亦不必適
虛舟任浮游
駒隙良易過

聞陳荆山方伯病免

解組亦常言
斯人何其果
纔見北來鴻
俄聞南下舸
故人俱還山
酒錢誰寄我
嗟彼四海人
何限不舉火
拯物豈不懷
仕路方坎坷
朱顏俗所輕
空自憐
婀娜同心少
天末難鼓山
陰柁酌我犀
角杯
遙思澆磊砢
余曾與荆山

王濟峰至

出飲半醉歸故人在深竹街前翻我迎握手淚欲秋數載此地別愁苦長
現鞠自恨髮早白而君白亦速茫茫天地間我輩皆老禿感君遠命駕無
論留信宿腐儒不殺生窮市惟猪肉新韭盤中香尊酒對榮木白日忽西
頽易雀相趨逐入城猶依依預愁君返轂

春日郡居

乘暇尋幽事名香手自焚澆花分細艸玩鳥得孤雲天擁青山近風飄白
日曛長歎息隱士終老謝塵紛

秋日同沈小霞宴何方伯園亭

何沈郎俱妙長吟興不孤日俄低對博天欲笑投壺海近龍蛇隱風高鶴
鷗呼酒闌多感慨起舞向庭蕪

六月來常陰不雨

輕陰散暑無虛日小雨牽愁每片時祇爲雲霓常翻戰坐令天地有乖離
低飛石燕應旋落點點斑鳩亦自疑禾黍將秋猶未種百年生計在東蓀

六言絕句四首

地僻門無剝隊林深竹有檀樂一壺濁酒自飲竟日蓬頭不冠
睡起斜陽欲落信步徇往林阜舊日曾看釋典近來懶讀離騷
昨夜雷聲送雨朝添綠水滿池船尾新來翡翠沙邊久立鷺鷥
合歡雙樹阿那時有清禽好聲遠其雲陰豔暝由來昏曉分明

堂成漫興四首

結構茅堂低小地偏夏日亦涼隣家栽林高梧爲送清陰過墻
榭囀鶯潛密葉多情蝶訪幽花城上牛規日落村中一縷烟斜
年來燕子稀少不見紅襟可憐瓦雀喧喧無數鬪爭每墮人前
却掃何須謝客閒居每自垂簾門外不栽五柳恐人知是陶潛

侍郎徐公良彥

良彥字季良新建人萬曆戊戌進士知婺源深水二縣徵拜御史以年例
出參議福建副使山東入爲尚寶少卿大理寺丞以僉都御史巡撫宣府
以奄黨崔呈秀論劾罷官遣戍五溪崇禎初赦還召拜南大理卿升南工
部侍郎請告卒于家萬曆丙午公以深木今分考南關余爲舉子相臨爲
師弟子而契分則僑扎如也神廟末黨論紛起公與余並有窳魁之目寔

迴仕路者久之逆忤之難俱被誅遂已而俱召起余以聞訟罷免公回荆南曹以卒皆不獲朽用略相似焉公為人公忠明敏志節如秋霜皎日餘膽智善鑄決所至斧鑄理解具有聲跡詔及於軍國大計國論人材條分目列胸中井如也高陽少師秤量朝士少所許可獨心折於公曰近代人才此爲眉目矣公少讀經世之書不事聲律成五溪日信筆口占伸寫志意遂有詩數百篇風骨冷然警句獨絕詩人或未之遠也叔子世溥字巨源以詞賦起豫章海內皆稱之

塞上曲

胡兒爲我歌胡婦爲我舞酪酒兩三行黃塵雜桴鼓披甲上馬鞍旁觀色如土長城陳死人有力皆如虎

江上聞笛

笛聲入江樓怨入長江水悠悠孤光月寒影沉江底長笛吹月落短笛吹月起無情不解吹有情爲吹死因風寄遠心不知誰家子

落葉

落葉不上枝因風亦復起清風若無私何國有彼此一葉隨風揚一葉沾

泥滓寄語風前葉莫墮東流水多謝三森風山中多關芷

舟夜

席邊卽水底遷外是霜天偶得寒更句孤舟燭不燃

董侍郎應舉

應舉字崇相閩人萬曆戊戌進士除南京國子博士擢吏部文選郎中陞
南京大理寺丞歷太常少卿太僕卿以工部右侍郎乞歸年八十餘卒于
家萬曆間天下全盛遼左無恙崇相居冗散數移疾屏居每逢邊人訪問
遼事嗟咨太息若不終日福清當國崇相遣書極論遼事謂遼左之禍不
出四五年金人兩道伐宋以四月舉汴今之災異不下宣政今之邊鎮只
恃一遼一旦有事內虛外弱何恃而不忍金再舉而宋虜者以不聽李綱
故遣勤王將帥之故今可泄泄不早爲之所乎又因日中黑氣相盪抗疏極
論以爲目前切要之事無如夷虜人皆知而不言以甘結勅碑養成貔虎
使之搏噬今日徵兵索餉繹騷天下而前後敗事之人亦無嚴罰萬一城門
盡閉更有何策廟堂諱言遼事福清得嘗唯唯疏上亦報聞而已天啟元
年遼陽陷沒要表自如過余邸舍夜闌酒盡拍案擊節殘缸吐酸朔風獵

獵射窗紙當是時崇相七十餘矣耳聾目眩龍鍾卿寺間談遼事則目張齒擊劃然心開精強少年弗如也以太僕卿治畿南水田升工部侍郎總督錢務兼董兩淮鹽課轉輸鼓鑄臺臣害其權重嗾言官奏罷之崇相去而國事益不可爲矣崇相歸田後以所著文集示余引丁敬禮對陳思王之語俾余刪定其文余感其意不忍辭朱黃甫竣而崇相沒矣崇相詩不多作余姑錄其什一而敘其平生大略如此亦以見余與崇相之相期許不在文墨之間而余之衰老殘廢負良友于冥冥爲可愧也

西山來青軒對月

地白鐘聲寂山秋夜色多倚闌成雪界按戶卽天河野氣沈平楚池光轉碧蘿忽聞清鶴發淒絕獨如何

愁棲霞僧房

昔人臥亦遊吾今游亦臥適來眼底山知從夢中過

秋日尋孔雀庵過上人

林深不辯徑積葉翳寒泉屋角留殘日秋堦童獨眠問師何所去憑指隔江烟夕磬無人發林中聞暮蟬

金山作

南條一線自峨岷拆楚分吳到
天獨有妙高臺上月不為南北隔風烟

六十四初度作二首

五歲脫荒亂中年荷治平何圖六十四天下遍徵兵

老不任干戈厭說胡塵起為周宗汝霖當時六十幾

送王戶部督餉延綏

險矣

是時舊本缺然此句新為點今在紫林少

米珠桂艸駱駝城一線魚河百萬兵不信受降終隔虜可能綏德更移旌
黃沙漠漠笳聲壯朔氣淒淒鐵騎鳴誰繼舊時崔少保直將輪輓作長纒

丙寅聞邊報

出山已辦沙塲骨今日生還亦主恩忽報遼陽飛騎近白頭垂泣向江門

附見丁侍郎起游

起游字哲初晉江人萬曆壬辰進士歷吏部郎南京太常少卿刑部侍郎
歸田以病終為人沈默有幹局崇禎初余有閑訟易程藉上寵勢張甚鞠
治湖閩事御史郎署莫敢作爰書侍郎齊筆起艸抉謫其原奏凜如秋霜

身程雖咆哮無以難也及其入相謝病歸遂不復起哲初初不以詩名林茂之曰亦知哲初有古驛一燈深之句乎相與徘徊吟咀求得其全什附於崇相之後楓落吳江冷古人以五字傳不朽余錄此詩亦可以誦哲初于九京矣

良鄉夜宿

古驛一燈深蕭蕭車馬臨薄寒添暝色入夜動鄉心戒寢預愁夢喜晴翻量陰首塗才此夕忽漫話家林

范閣學景文

景文字夢章吳橋人萬曆癸丑進士除東昌府推官以清望推擇爲吏部郎天啟間北人附逆奄專政卽家起夢章掌文選事夢章過余邸中竊歎曰彼欲厲劍血人而以我爲鏡鄉乎未泱月移疾求去天下高之奄黨敗起太常少卿以余都御史巡撫河南莅事踰月卽提兵入衛四方勸王之兵先抵城下者以中州爲首陞兵部侍郎鎮昌平進南京叅贊尚書烏程武陵韓城相繼枋國凡持正不附已者咸指爲虞山之黨芟除殆盡夢章迴翔中外自引而南時相亦無以難也會武陵起復國論沸騰夢章自南

率九卿論劾先帝震怒除名爲民已而復思之特召拜工部尚書尋入直
東閣輔政受命四十日而都城陷詣朝房拒門自經閣吏抱持解之入僧
舍艸遺疏賦絕命詩赴演象所投井而死年四十弘光紀贈太傅謚文貞
夢章秀廡文弱身不勝衣啜茶品香論詩顧曲每以江左風流自命一旦
持大議抗大節風流屹然與高陽定興並峙峒戴斗爲之生色豈偶然
哉夢章就節時屬其家僮蘭芳曰使所善李生蔣生伴繫事狀乞虞山公
誌我余深愧其言

賦得花朝遇雨

春陰偏是趣今朝妒暖餘寒尚自饒花意如入初中酒柳容似凍未舒條
踏青游屐方微濕聽雨吟魂却暗銷烟裏空濛飛翠冷總無紅紫亦堪描

和友人閒居之作

夜裏剛詩日看山縱然忙殺也清閒從教花落休開徑除却僧來卽閉關
性好積書終是癖身無小病怕成頑幽棲未盡聲聞累鶴舞翩翩鳥語蠻

齋中

頗嫌多事是尊生但得心閒近道情長與疎梅耐幽獨更教瘦鶴伴淒清

掃花欲便親苔坐剛竹常防礙月行片石頽然無位置也同老懶畏經營

虞山翟少潛見過留之味玄堂有作

烟霞片片染衣裳手拂凝塵坐竹牀晤對少時如入回淹留竟日自生香
杯呈淺笑花浮面曲度深宵月過廊家落一丘堪點染入林幽事待商量

臨終詩

孤臣空灑淚天步遂如斯妖蝕三光暗心盟九廟知翠華迷草露淮水漲
烟澌故國千年恨忠魂遠玉輝

精忠先帝行于江淮友五六云云